

孫徵君哀挽錄

共 一 册 存 一 册 排架号 00195

臣吳士鑑跪

奏爲臚陳已故京員學行援例籲懇

天恩宣付史館立傳以彰碩學恭摺仰祈

聖鑒事竊惟我

國家振興學術崇獎儒修者宿經生後先接踵一經臣工陳請無不
予以褒揚或獎勵於生前或表彰於身後仰見我

皇太后

皇上重道尊經之意實有邁漢唐而越宋明者臣伏見已故刑部主事孫詒讓係浙
江瑞安縣人承其父原任太僕寺卿孫衣言之教學有家法由同治丁卯科舉
人援例分部行走淡於仕進引疾歸里窮經著書垂四十年大學士臣張之洞
曾奏保經濟特科甚引重之以宿疴未瘳不克應試所居温州僻處海濱士鈔
實學詒讓於後進之請業者甄植甚衆創立學計館及方言學堂承學之士雲
集颺起浙中學派之開通實詒讓提倡之力溫處兩郡離省窵遠文化阻塞謂

宜立一總挈學務之機關請於浙江巡撫設溫處學務處當事者公舉詒讓總理其事復請以温州校士館改為師範學堂以小學所需格致員甚亟乃開兩次博物理化講習所卒業者皆好學深思之士詒讓辦學三載兩郡中小學校增至三百餘所而所籌之款均與地方官紳切實規畫其苦心孤詣有足多者上年經學部奏派二等諮議官浙江提學使聘充學務公所議紳並經浙江全省學界公舉為教育會會長其為中外所推重如此詒讓之學淹貫中西博綜今古而尤以通經致用為急以為周官一經乃政教所自出先聖經世大法節目主為精詳今泰西諸強國其所以道國明民者往往冥符而遙契爰博稽制度與章闡明微言大義采漢唐以來迄於乾嘉諸儒學說參互證繹以發鄭注之淵奧糾賈疏之闕遺成周禮正義八十六卷至是而官禮之闕意眇指皆可措之施行矣論者謂二百餘年挈經之士未嘗有此鉅作也又於周禮古義與西人之制相通者別為周禮政要四卷詒讓以墨子強本節用勞身苦志該綜道藝應變持危其學術足以裨今日之時局撰墨子問詁十五卷其書精深閎

博一時推為絕詣其餘著述尚有尙書駢枝書斟補禮記斟補古籀拾遺九旗古義述六厯甄微名原絜文舉例廣韵姓氏刊誤扎彛籀廣述林永嘉郡記諸書綜觀該故員之學術以通經為體以識時為用與墨守章句不知通變者迥不相同方今海內通儒日就彫落如詒讓之績學窮經實不多覩遽於今年夏間病故凡在士林同聲惋惜伏查光緒六年前御史臣彭世昌曾以其同鄉翰林院修撰劉繹事蹟奏請宣付史館列入儒林傳欽奉

諭旨允准茲已故主事孫詒讓學問淵通潛心經術深明教育成效昭著臣隸籍浙江見聞確鑿謹援例臚陳事實合無仰懇

天恩准其宣付史館列入儒林傳以彰碩學實於今日興學前途大有裨益如蒙俞允所有該故員事實册及所著書應由史館咨行原籍查取以備纂輯合併陳明
是否有當伏乞

皇太后

皇上聖鑒訓示謹

奏

光緒三十四年八月初十日奉

旨著照所請該衙門知道欽此

哀辭

余自癸未春分校禮闈得一縱橫奇佞蹈厲蹕絕之文驚爲異才上之主試者主試者亦深加擊節將列名蕊榜矣會以三場文字爲彌封所所錯亂經調查明確更正復上則已遭額滿之遺余爲之歎噓太息抑鬱不怡者累日迨闈後執弟子禮來晉謁詢之知爲瑞安孫生詒讓仲容也仲容爲紹聞先生子學有淵源報罷後益究心經史旁及諸子百家冀出其所蓄以爲世用因納貲捐主事分刑部未幾遂退歸林下著書立說以自見暇則與地方士人研求教育以冀廣開風氣溫郡僻處海濱地故樸野一孔之士類多拘守昔時章句舊習仲容獨援古證今廣爲詮釋又力任地方因應改革諸要務不辭勞怨致一時謠詠繁興幾大不理于口然仲容硜硜之性終殆不撓久之霧散雲消謗言息而聞譽益高蓋天下惟熱心任事者易遭嫌怨亦惟熱心任事者無慮崖柴理固然也乙巳歲 朝廷舉行新政改設學部延攬通儒碩士以資顧問特派仲容充二等諮議官余以丙午冬提學是邦亦令擔議紳之任去冬又經闔省士民公推定爲教育會會長上而 廷臣下而浙士咸戢戢焉

以興教勸學事期之仲容方冀於行政上學理上統一實踐可以藉資贊助乃計耗遠至遽於前月沒里閭余不能不悲仲容之遇而并爲浙中殲此俊民痛也因爲哀辭以抒懷其詞曰關后羿之穀而危成危敗兮固鏃羽之數奇然匡衡以不中策而經乃益明兮何偃蹇抑塞之可悲生旣負腹笥之便便兮宜翕然爲衆學子之羽儀總教育機關于全浙兮余方遠大之是期胡天不假以年兮竟溘然而止于斯能無揮淚爲祝予之痛兮向冥漠而陳詞

支恒榮

嗚呼哀哉嗚呼痛哉君竟舍此可悲可憫可驚可愕之世界而去耶吾中國四百兆黃族方將爲奴隸爲羊豕鞭撻剗割呼號待盡君殆不忍見而一瞑勿顧耶吾甌數十萬同胞無論爲士紳爲下流社會方晦盲否塞恃君爲先覺君顧忍棄離而一訣不返耶晦以一介眇眇之身其于此世界也如燭火如輕塵可以死而不死君胡不可以死而遽死耶嗚呼命耶數耶天爲之耶抑人事使之然耶晦生此五濁之惡世方將舉臭穢之血肉之軀殼腐壞入土以死爲厭離君乃先晦而厭離耶晦稟此同體之陽電方將舉主要之細胞之纖維犧牲于世以死爲蟄藏君乃先晦而蟄藏耶晦近悟涅槃真如之奧旨方將舉此器世間有情世間一切諸幻盡歸消滅以死爲解脫君乃先晦而解脫耶晦元夕祈死辭有曰大哉死乎善哉死乎息耶休耶樂耶苦耶其滅度耶其進化耶不知君今日之死將爲進化耶抑爲滅度耶君其能駕雲車御靈旗翩然下大荒而來告耶嗚呼我佛常轉法輪之語其然耶其不然耶使其然也舉吾甌學界之所以思君而哭君者君其知之否耶則晦之所以爲吾甌學界慟者其抱恨又豈有窮期耶嗚呼哀哉嗚呼痛哉

金 晦

嗟乎太邱道廣無人不居弟子之班通德門高多士羣奉經師之譽而況學校爲育材之地三物于以賓興蒙養爲作聖之基四科從而肇始自奉明詔各立學校里中人士議以湖西之梵宇設公育之學堂請於先生曰教育以普及爲先原多多而益善學校以徧設爲貴猶步步而爲營附近學僮便於走讀先生韙之開校以來頗蒙獎借今春三月先生自郡回里偶示微疴遽捐賓客嗚呼哀哉西川淚灑似華屋之

弔謝公東海人來比仙龕之迎白傅寓廬嶼古畫錦傳其令名玉海樓高藏書付之
後嗣一時聞訃全校傷心夢夢彼蒼天不憖遺一老惴惴其慄誰可贖兮百身爰率
同人作為哀誄誄曰

富春高門篤生賢裔績學之儒名父之子博涉百家折衷壹是從事丹鉛不慕青紫
著作等身多已付梓多士津梁羣倫臧否經明行修名聞遠邇司徒之臣入告天子
方今京外士風日靡學部屬僚有若諮議獻可替否實資臂使 帝曰俞哉為朕訓
士蘭臺禮臣載拜筆珥方今通儒無如孫氏僉曰伯夷虞廷典禮弼教明刑是其宗
旨安車蒲輪詔詣故里鶴書赴隴屢徵不起清節高風如公有幾路權外奪實為國
耻公念時艱憂心如燬我生不辰二十世紀公之受病殆自此始數月以來纏綿牀
第公疾少間轉憂為喜驟聞公薨有淚盈皆凡百學堂皆公總理今登公堂影亭一
紙遺墨在箱往訓在耳誰障狂瀾孰為砥柱天喪斯文哲人其萎我公之名昭垂青
史我公之德震耀鄉里萬歲千秋公可不死風馬雲車於焉戾止公如有靈鑒此哀
誄

公育初等小學校

祭文

嗚呼先生之學賅括儒墨先生之派遠祖陳薛紅羊犯浙金錢休和 公捍桑梓鉅
艱力荷 朝命興學荒陬普及 公剏校規蒙中次立禮部舉 公纂定典禮鄂帥
請 公保存國粹三徵九聘 公不肯起著書立說融貫中西海內喁喁經師人師
天胡禍浙不遺一老哲人其萎我是用悼括山峨峨甌水湯湯先生之風山高水長
嗚呼哀哉尙饗

浙江教育總會會員

嗚呼先生言行淑世道德箴時卓哉千古經師人師姚江渺矣當湖夏昌瑞安續緒
天誕斯人破除門戶力挽頽波兼資漢宋新舊調和數典忘祖新政蠶議立國有本
周官正義世俗澆漓人自為我善羣兼愛墨子閒古明體達用為學之功崇實務本
君子儒宗騰聲歐化聖學墜地繼往開來國粹主義生存競爭歐美是長何以強種
政治思想東亞睡獅渾渾噩噩振聵發蒙普及教育易俗化民斟今酌古實事獻身

維持學務有守有為曰正曰公無固無我尚可風知行唯一毅力自治特徵典禮卒以病辭地方公益擔承孔銳路事犇號心力交瘁方冀師資俾我同會何圖噩耗哲人遽萎嗚呼先生從此逝矣我浙奈何魂兮歸來言念前途嗚呼哀哉尚饗

浙江旅滬學會會員

吾中國自甲午之役後士夫咸知科舉之學之陋不足以震外侮而禦四夷而言之者有素行之者無期 朝廷上下仍以詞章括帖為取士之標準而趨之者曾不少移惟 先生倦懷時局蒿目危機即有志經世之學不願以後生小子誤落於恆谿首創學計館於梓里俾人知數學之不可以偶違繼復設方言之講舍通重譯之文詞故論者咸謂瑞安開化之早而不知皆吾 先生之有以啟之洎夫庚子擾亂滿目瘡痍大東杼柚極西鼓鞞大難初定 聖人咨嗟罷取士之舊制亟師法於秦東泰西惟括甌之僻壤慮進化兮獨遲乃謀設機關以聯絡圖齊一之宏規請之當道舉 公主持盡瘁三載勞怨不辭而猶慮校舍之林立無啟迪之師資遂乃大興廣廈力拓宏基鳩工經始一載為期選高材兮講肄盡濟濟而祁祁自茲以後

吾知兩郡學界之人士必將奉 先生為不祧之祖歷千百世而歌頌如斯况今者館開禮學 詔定朝儀駕蒲輪兮下召徵海內之大師 先生奏膺首選虛席相貽方將望都門而命駕慰當道之軻饑奈何浙路事起大局傾危 先生胸填憂憤痛不可支因傷致疾加以風痺誤投溫補遂乏良醫沉疴兩月遽痛騎箕嗚呼哀哉甌江雲黯括山風淒何天不弔奪我鄉耆山頽木壞繼者其誰撫茲遺集無限思悲他年俎豆瞻仰遺祠應以六月初七日追悼之會留紀念而為崇拜之期嗚呼哀哉尚饗

溫處兩州學界同人

客冬仲弢黃公歿於武昌我郡人士游學日本者悲公之死復怵怵焉惟恐吾甌學界蒙其影響然某等猶有所深恃無鄉土憂者以 先生尚健在故迺天禍學界吾甌首當之黃公死未久而先生病病愈而復發遂不起嗚呼哀哉 先生為我國學界中鉅子天下人士想望丰采方冀先生一出為四萬萬人乞命而遽中道而殞嚮學之士靡不痛心而况某等生同里閭仰祈于 先生者尤深且切者乎 先生幼

穎悟過人長治漢學著述至數十種墨子問詰周禮正義最精而深 先生以是名滿天下某等久處海外雖未克盡讀 先生之書而 先生之學問精博駕戴氏東原而上之近今之世殆無其比則 某等所敢斷言者也 先生自江甯歸即絕意仕進立說著書復以振興教育甄植人才為己任創立學計館及方言學堂是為吾甌學校之嚆矢 先生嘗謂歐米之富強導源於藝術藝術之發達權輿於理化我國理化不講商工界進步獨後遂為貧弱之一大原因因選派數人令赴日本習速成理化歸而教授鄉里以期普及理化思想於吾邑自溫處學務分處成立 先生綜理其事未及三載中小學校之增設者凡三百餘所而於溫州師範學校尤瘁全力而經營之姦黠之輩嫉視學務必欲傾 先生而後快而 先生持之益堅校卒以成甫半載而成効已著然 先生之病原已潛伏於此矣 先生研究教育無微不至凡可以改良學校者必圖其成而後已同人自日本歸者謁 先生 先生必殷殷以教務相詢令盡其言而去言苟有中靡不採用之邑中學究或譏先生偏信少年好事之徒而 先生屹然不動也去夏 某等回里 先生特開教育研究會徵邑

中之司教務者與 某等討議改良之方法每會 先生必至至必虛心下問博採羣言俟會者畢散乃去 先生講求教育不遺餘力蓋如此庚子以後我國人士如夢初覺始大聲疾呼以振興教育相號召而號稱老師宿儒者惟恐新學勃興不利於己輒以摧抑學務為能事而黠者又以調和新舊竊取盛名而於學界實鮮有裨益求如 先生之博通中外謙抑下士巍然為學界中之偉人者有幾人哉吾甌得先生主持學務而吾甌遂於東南各郡中放一異彩亦云幸矣而天又不假以年令悉行其志此則 某等所涕泣歎歎而不能自己者也抑 先生之死豈惟吾甌之不幸哉去冬全浙士紳設教育總會公舉 先生為會長 先生慨然允之赴杭商議教育事宜凡月餘禮部設禮學館聘 先生為總纂 先生於禮學最精擬藉此以釐定禮制垂之方策 先生方欲大行其道以造福我國民而遽病以死吾浙之不幸亦我中國之不幸也 某等親接 先生之言論丰采者有年矣躡屣負笈托足扶桑冀稍有所獲歸餉祖國以慰 先生之熱望於萬一者亦有日矣 某等學未成而先生遽死吾人最可悲之事甯有逾於此者耶雖然軀殼不百年而死精神歷萬

古而存 先生死矣而 先生保粹衛教興學育材之心則不死莽莽神州沉沉學
界環顧宇內來者其誰灌輸大西洋文明潮流以與黃河揚子江文明潮流相融合
昌明學術光復黃漢斯固 先生所屬望於某等而至死不渝者也雲山蒼蒼江海
茫茫 先生之靈實式憑之嗚呼哀哉尙享

瑞安留東學生

嗚呼身死之悲達士諱言喋辭以哀識者不避然某等竊案諸時審諸事衡諸當世
之學術有不能不爲 公慟者三 公以沈潛之識遺外聲利閉門纂述者有年一
旦迫於桑梓之誼忘其叨粹毅然以兩州學務爲己任今不幸而憑依既失綱維孰
張學校雖繁傾圮是慮可慟一也道德學問 公之所以自樹者大而鄉里之以此
重公者情亦益見其摯平時聯衆集議辯者紛如而能以從容談笑折是非於片言
之間使爭心消伏而不見者實惟吾 公是賴而何以遽遭此凶耶顧瞻後起爭忿
蝟興可慟二也學術之變於今爲烈在昔秦人滅學以後老師大儒間復修明漢之
學康成集之宋之學考亭集之然古所謂漢學宋學者不過休之於道之中而孔子
之道以歧今之所謂耶學者直畔之於道之外而孔子之道將墜吾 公以閱達之
才將台漢宋而爐冶之抉耶道而等屏之故於經則有正義之釋於子則有間詰之
作轅防堅壘俾得以昌國學啟津梁庸非中國之大幸哉不意夢夢天心遽傾泰嶽
一朝怛化涂軌何遵可慟三也嗟乎 公之學如川之發挹之不窮 公之神與天
同遊仰之彌高 公之死生不係於家而係於鄉不係於鄉而係於國擔荷窮兩間
才猷備三立哭公者一時思 公者千古感時悼事悲不自勝

瑞安中學校

大千世界一曰內生生死死不知幾千億萬輩生而得爲英雄豪傑富貴名公卿者
無論焉而求其死之日爲君相惜爲師儒哭爲士民哀爲數千年來老師宿儒沒而
有靈者所太息痛哭流涕者誠千一萬一其人尤予小子輩心目中所未曾見者也
嗚呼其惟我 先生乎其惟我 先生乎 先生生長世祿之家富可以驕人貴可
以傲人勢力可以奪人而畏人 先生力屏除一切懷孔氏母意母必毋罔母我之
旨參以佛學無我相無人相無衆生相無無我相無無人相無無衆生相之妙諦龍
潛一室寢饋羣經不稍假於風雨晦明之變不申綴於世俗風尚之殊自入學以至

自立不惑知天命耳順之年始終一志生死一心大蘇腹有三千卷世人未得讀其半此 先生之經術文章足爲君相惜師儒哭士民哀數千年老師宿儒沒而有靈者所太息痛哭流涕者也天道五年一小變十年一大變 先生於天人交戰之際計之者熟痛甲午庚子之役下冠上履非變之以新法無可自立憂勤惕厲唯恐變之不速復爲異種殊族所侮辱幸際天心悔禍君相知非革從前之舊習輸化外之新知聞 詔之下憂喜交集不畏橫逆獨行其是不惜身命獨任其勞倡設學校於城邑講求新學爲十六屬之先道七十二縣之標準也時復現身說法拔四民出彼黑暗地獄以入光明之世界十年以來所力爭於大廷當路者尤更僕難數特恨未能盡抒厥志爲我邑造無窮之幸福此 先生之道德功業足爲君相惜師儒哭士民哀數千年來老師宿儒沒而有靈者所太息痛哭流涕者也不僅止此而 先生之精神丰采足爲君相惜師儒哭士民哀數千年來老師宿儒沒而有靈者所太息痛哭流涕者尤爲小子輩所心折也先天下憂而憂後天下樂而樂於地方一切事悉一肩仔之過稍有不稱心契衆議者仰而思之夜以繼日時或商辦公務燭數見跋猶不寐無倦容無厭心有一息尙存此心不死之氣概焉如來肺腑大士心腸極之於周旋晉接間每遇人以和柔之聲怡悅之色恭儉以求役仁信讓以求役禮不自尙其事不自尊其身不以其所能者病不能不以人之所不能者愧人詩云溫溫恭人維德之基 先生有之間或小子輩見 先生於公務之暇唯覺隱而顯不矜而莊不厲而威不言而信小雅曰高山仰止景行行止其小子之於 先生乎以先生之精神丰采卜之更以 先生之道德功業經術文章決之雖列之以彭祖壽猶痛其殤也何昊天不弔萎我哲人滅我四界光耀之琉璃燈折我十方庇賴之菩提樹感時撫事誰度一切苦孰救衆生難不肖若小子輩不敢誅 先生並不敢哭 先生茲丁九日偕同學八十人叩拜 先生告 先生知長爲君相惜師儒哭士民哀數千年來老師宿儒沒而有靈者所太息痛哭流涕更以 先生之死轉爲惜 先生者惜哭 先生者哭哀 先生者哀太息痛哭流涕 先生者爲之長太息痛哭流涕而不已嗚呼哀哉 先生來格來享

嗚呼哀哉今何時乎 先生其棄予小子輩而長逝乎慨自印度奴於英波蘭隸於俄埃及乏自主之權非墨鮮自由之國僉曰教育不得其術以致民智窒礙不能少年其國稱雄于大地之上嗚呼其危乎哉吾中國教育沉淪黑暗已數十祀於茲矣幾乎不與印度波蘭埃及非墨等幸 先生悲憫時艱不惜一身供獻社會出而提倡改良教育之道發起學堂舉凡捐金輸款關牖民智與夫明體達用之旨導民成俗之方靡不殫厥心力而獨於我蒙學尤為兢兢致意故不及數年而我邑學堂接踵並興文明蔚起皆 先生之力也予小子輩受 先生之賜正未有艾胡天不憖遺而 先生竟棄予小子輩而長逝耶且 先生之發起蒙學也詎非以童蒙為作聖初基吾中國握強存之綱鋤弱亡之蒂悉由於是乎 先生方且握強存之綱鋤弱亡之蒂改良而整飭之以副其振興社會之目的胡天不假 先生以大年使竟其效果獲觀吾中國兒童之發達少年吾中國而忍令 先生棄予小子輩而長逝耶嗚呼去年 朝廷設典禮館命 先生為總纂 先生辭徵車而不就願以一身供獻於社會為吾邑施教育之方針以胚胎中國之文明乃勞瘁厥躬竟賦長辭則繼此而恢大其緒者責在後起耳嗚呼 先生今已往矣繼起者究屬何人予小子輩每念及此能不悲從中來仰天呼號而痛哭也耶嗚呼哀哉尙饗

瑞安 公育 西南 東北 西北 初等小學校

沉沉日月黯黯風雲哲人其萎我道沉淪天為之慘地為之陰吾獨何心能不悲哉嗚呼噫嘻而今已矣先生其死耶先生其真死耶時勢若此先生其可死耶地方若此先生其忍死耶嗚呼噫嘻而今已矣男學且不暇顧况我幼穉時代之幼穉女學耶嗚呼噫嘻而今已矣雖然先生死矣而聞其所以致先生之死者則遠因有一而近因有三我女子輩皆不能辭其咎也嗚呼噫嘻遠因何在學務是也身膺兩任惟學是親風雨舟車不辭苦辛抱病呻吟猶念學人况男學已勞其身女學更傷其神樂之明強永之愛羣以無端之風潮造女界之惡因致我先生公務駢馳廢食而輟寢此皆先生公爾忘身甘心致死而不敢一日自寬自逸之大遠因也其近因則皆我無學堂無知識之女子有以致之夫以先生之文明先生之道德尙待於禱耶

先生之禱久矣而無學堂無知識之女子猶日事椎牛烹羊務極豐肥以博鬼神歡以爲先生福以管而窺天以車而載鬼所謂婦人之仁愛而不知其道者非耶而爲先生者病未能間視未有見聽未有聞任鬼蜮之百出而莫知其因即愛先生者亦內外隔絕疏不聞親惟痛心疾首於女界迷信之未破由女學教育之未深吾輩姊妹雖日譏其非擬救其失終以年輕分疏欲一見顏色而不能向使爲女子者早入學堂皆受普通之教育又何至若是愚迷不講衛生而徒請命於虛誕之鬼神此致先生之死之第一近因也我聞東南各國之女子多入侍疾學堂由王公大夫下及庶民之女往往投身學習以研究看護之方法平時則維持其家庭及社會之疾病者以廣公愛戰爭則撫慰其出征軍士之傷痍者以振勇氣今吾國普通女學尙在萌芽遑論其他吾輩姊妹雖有愛公之心而亦乏愛公之術致使不諳看護者不能得衛生上之調劑不免致病况上之外變甚至媚神者謂臥室宜幽而日光爲之閒斷信鬼者謂生人宜避而醫士不得自由或謂榻之宜帳也而遷徙不以其時或謂藥之無效也而增減唯所自命此皆未習看護之學之所致也向使吾姊妹中有

赴東西輸新學得其術以事我先生先生或可以不死嗚呼噫嘻而今已矣是則先生之死我一般姊妹皆不能辭其責也此又致先生之死之第二近因也我國醫學發達之古爲地球最神農嘗百草黃帝作內經其時世界各國或在草昧或懸海外無所謂國也而我之醫理已臻極點所恨者聖賢不常有而普通男子之性質常粗率疎忽遠不逮我女子之縣密周緻乃自古及今中國女子之以醫名者如鳳毛麟角絕無而僅有此舊醫學之所以日淪而新醫學之所以無從發明也今東西各國專門醫學男女並設而著書立說闢新理創新法自由出版者歲以百十計而女子嘗居其大半往往疑難奇症男醫束手得女醫而慶更生者指不勝屈是男醫之不如女醫亦天賦限之無可如何者向使吾同胞溥慈善之事業隻身重洋研究醫理歸以所得者參酌中西活我先生先生又可以不死嗚呼噫嘻而今已矣今日諸姊妹之對先生哭先生者夫復何言此致先生之死之第三近因也雖然自古皆有死五帝聖而死三王仁而死周公孔子孟軻以至如來耶穌老聃道德悲而亦死惟死有輕於鴻毛亦有重於泰山者死如先生尙何恨乎尙何恨乎向使先生以殉經

而死於牖下則一經師而已以閹閹而死於飽煖則一紳袴而已以威福權利而死於鄉黨則一勢紳而已我姊妹雖愚且不爲先生哭又何言爲先生告乎等死也或問若此或則若彼是誰致之抑孔子所謂求諸己而孟子所謂非由外鑠者乎今我輩姊妹大者不過十二三齡小者六七而已甫離襁褓足未出戶庭者十居八九若螻蟻之於泰山何能道先生之萬一尙何祭之敢云而不知我姊妹今日之所以哭先生者正自有說女之與男本無所謂貴賤也同此心思同此材力同此圓顛同此方趾天地生我父母育我五官四肢孰不如男乃千餘年來之昏民賊奪我天賦之權甚至束我縛我錮我閉我紛我飾我務使我一般之同胞賤若奴隸益若馬牛輕若玩物棄若廢人兵戈水火羅禍則使我於先爵祿功名幸福則置我於後操縱憑男子生死不自由彼蒼者天弱質何辜倡平等則血流秋瑾烈士女學又孰是惠興女界沉沉慘無天日言念及茲我啜其泣幸自先生之弟倡弛足之議而肢體得以保全先生之侄開演說之會而姊妹得聞新論是我瑞安數千年後一般之姊妹得親天日得安步履得謁名儒得沃宏論者先生兄弟叔侄功也而先生兄弟叔侄之使我瑞安數千年後一般姊妹得親天日得安步履得謁名儒得沃宏論者皆先生主持力也故人哭其私我哭其公人哭其公我哭其私嗚呼噫嘻而今已矣憶我

邑自殺武女學倡辦先生獎之以言宣文女學繼辦先生助之以費德象女學後辦先生力持公道而各女學因得利益之均沾德巽東南成立雖遲亦將分先生之公益而共荷陶鈞也先生大名垂宇宙功德滿寰區我輩弱齡姊妹耳日聞之心日慕之而口則未能道其詳也惟幸得與先生生同居同城望衡對宇日親風範惟將我姊妹平日所耳熟能詳者畧舉一二以爲先生告先生自壬寅總理學務以來遵諭創辦瑞安普通學堂爲兩郡十六屬之倡繼而四隅蒙學四隅女學高等小學瑞安中學以及溫處大小各學接踵而興皆先生扶持獎勵使然也而先生於我桑梓尤關密切恐男女學生之知識初開血氣未定而易入邪僻也于是有淫戲之禁以保全少年之人格恐地方下流之頑固未除阻碍風氣而有妨新政也於是主演說之長以開通社會之風氣此皆我姊妹入學以來所耳聞而目見者嗚呼噫嘻而今已矣望丰采兮不再景芳徽兮莫追聲名壽世兮自有千古著作等身兮莫贊一

命死生有命兮愛莫能助功德在人兮堯牆莫遺經術名家兮日空漢宋金石續纂
兮碑搨李斯師範猶存兮共深追悼總匯同亡兮徒切遺思銅像將成兮我有所紀
生祠將竣兮公勿他之學堂罷課兮如喪考妣億萬斯年兮斯文在茲吁嗟乎騎鶴
歸來願夫子長留帝右買絲繡出我姊妹永拜平原嗚呼噫嘻尙饗

瑞安

毅武 東南
德象 德巽 宣文

女子初等小學校

吾聞之太上立德其次立名其次立身 先生之道德文章吾邑無閒言雖婦人小
子亦皆知 先生之名 先生之身雖死而 先生之名不朽 先生亦可以無恨
矣 等亦可以不必為 先生悲矣雖然 等不悲 先生之死獨悲 先生死後
而吾邑不可為也吾邑地處僻陋而甲午以前已設有方言館學計館風氣之所以
獨先者皆 先生之力也及庚子以後又辦有普通學堂於是漸次推廣漸次而及
於鄉亦藉 先生獨力維持之擔荷之否則吾邑素貧有誰能出重金而培地方之
後進乎悲夫痛哉今 先生遽棄吾邑而長逝矣繼起無人吾邑之學堂尙可問歟

王氏仲壬有言人命係於國物命係於人殆吾邑之不可為有以促 先生之死耶
不然 先生之立德立名立身如彼其厚吾邑之賴 先生又如此其殷 先生宜
久享其天年而天乃奪之之速豈天之所以報施善人果若是耶抑天之薄視吾邑
歟嗟乎吾邑果不可為而 先生獨先死死者有知 先生當於九泉之下痛哭流
涕將轉為吾邑悲也雖然吾邑何足論國且不可為內闕外迫東割西租生者何樂
死奚足悲言念及此 等之所以悲 先生不禁轉為羨 先生之見機猶早也嗚
呼哀哉饗尙

瑞安澄江兩等小學校

嗚呼人之生也會有窮期惟立德立功立言之壽足與嵩衡並峙亘古今而無所盈
虧嗟我 孫公生而穎異獨出冠時道德之高尙大純而無小疵且湛深經術承
遜學公巾箱之業沉浸於詩古文辭年未弱冠槐雀甫踏即受知於張相國南皮相
國得公之卷許為古之作者嘖嘖稱奇奈宮臨磨蝎赴京華不第始由賧捐之獎簽
分比部而充閩疆清吏之司然公素性恬退軒然霞舉不為山出之安石而為誓墓

之義之雖經諸大吏後先薦剡而蒹葭秋水使望風者徒切其欽遲既而九重變法
 謂晚近禮文散佚非曹褒不能定朝儀於是徵書屢逮而山中宰相遂備聖明顧問
 之資歲在庚子亂後屢有廢科舉之詔公以吾甌濱海僻在東陲士之頑固者積習
 未破而難於轉移公乃剏學計方言等館學務分處總匯處以為造就之基嗣是小
 學校之成立者以數百計歐化國粹之主義潮湧而風馳兼之建設中學師範而規
 模益宏遠學科益完備教育文明之普及非公之力伊誰去秋全浙設教育總會學
 界推公為會長衆口一辭及蘇杭甬路事糾葛公登壇演說激昂慷慨胆裂而肝披
 自省垣旋里憂憤填臆膺痼疾而遂不可支嗚呼永嘉之學不絕如綫賴公之守先
 待後而斯文在茲公之宏著其已刊者周禮正義古籍拾遺墨子問詁其未刊者六
 曆甄微廣韻姓氏刊誤尙書駢枝海內承學之輩珍公墨寶不啻周鼎與商彝豈意
 獲麟絕筆而兩楹夢奠遽歎哲人之其萎自瑞而甌而浙東西人士無論識與不識
 咸茹痛而銜悲而况親炙末光者聞公之歿能無哽咽而淚下如縻今日者公往矣
 而氣節之不朽事功之不朽文章之不朽雖歷千百載而猶繫人思亂曰經師人師
 天不憖遺雲陰陰兮黑塞風淒淒兮素帷無以報公濁酒一卮魂之來兮噉然大哭
 為天下哭非哭其私嗚呼哀哉尙饗

瑞安聚星兩等小學校

輓詞

商調 引子憶秦娥 先生去吾鄉學界誰為主誰為主門生故舊傷心誰語

山坡羊 堂沉沉音容何處夜漫漫影亭無語雲悠悠仙輅未來憾絲絲死別生離
 苦長歎吁聽催歸杜宇莫非是身騎箕尾歸天府莫非是手抉雲章返太虛悲夫痛
 章安失鉅儒歛歛率生徒弔寓廬

水紅花 記當時玉海宮藏書勤三餘丹黃箋注記當時朋輩會簪裾任軒渠筆歌
 墨舞恁今日書堂人去殘月映紗櫺但只有頤園門首立踟躕也囉

山坡羊 祇聽得響淒清蟬聲鳴樹祇見那滴丁冬蓮房泣露問何時化鶴魂歸不
 過是盼長空萬里無雲處空記取飛霞留別墅料是劉根洞裏添仙侶又是謝客巖
 邊弔大儒嗟乎望文星隕斗墟嗚呼惜經神歿海隅

晚達高名大隱身匪將門閥傲江濱可知銷盡勞生骨悔向雲中露一麟
影事休提白傅橋萬千哀樂集今朝忽聞海水茫茫綠但有秋魂不可招
歌哭前賢較有情天風鸞鶴怨三生遙憐屈賈英靈地一例春潮汗漫聲
寥落吾徒可奈何風雲材畧已消磨自今絕學真成絕獨倚東南涕淚多

王 銳

永嘉派衍宋南遷文物乾清七百年科舉累人沿俗學經師魏望爵高賢淵源史籀
三倉體掌故周官六典篇石室名山千古業等身著作有遺編

茂陵講學倡儒風高密傳經世所宗千載師承同景仰二公出處異窮通先生杖履
幽貞吉富道衣冠禮意崇黃願清標今又見冥冥選舉海天鴻

黑雨歐風撼地來橫流滄海勢難回如何樸學西京替倏見靈光東國摧墜緒金絲
隳孔壁微言鈞髮幻秦灰朝儀未定曹充逝典禮何人議曲臺

大星連殞鄭公鄉愴望黃墟共感傷憂國蘭陵垂論議起衰吏部有文章雲亭字許
細生問孔壁寬容處士狂此去塵沙多浩劫悲歌梁木益蒼茫

池 虬

斗山久仰感同羣蘭芷招魂盼楚雲魯直先亡莘老繼鄉邦今日喪斯文

客冬提學黃公鮮在鄂
仙逝于今夏五月十六日奉檄旋里閱七日而先生歸道由矣

緒論平生私淑久傾心

藤花樓先生仲父孫止登侍郎藏書處也駿會館其家讀書餘暇與門人公權輩往先生家願園散步時親道範獲益良多

吾宗遺墨舊搜羅賞鑒曾承枉駕過為語太常梅賴好算來不及此圖多

先宮詹任先公原名
增志勝國後遁隱頭陀別號雲居和尚精繪事駿家藏山水墨蹟一大幅先生聞之造廬索觀展玩不置自云家藏任道遜太常山水四幅不及此卷之可珍屬駿善護持之

木鳶製造存工藝攻守諸篇失攷求治墨專家通絕學賴公訓話關源流

先生著墨子開
話精宋處過畢秋 帆王懷祖諸校本 玉海樓深萬卷儲搜羅金石漢秦餘嶧山碑刻臣斯篆此後無

從辨六書

先生通金石之學秦概漢瓦收
民刊未留完本校止何人續告成

甌海賦聞數十卷先生尊人孫太僕公所輯也
官禮書成十萬言疏箋經義得心源殺青甫竟人凋謝漢學更誰繼鄭元

先生著周禮正義卷帙浩繁一生精力畢萃于此
焉烏帝虎辨微沁謬許甄生勸對詳所識不能逾十字敢為李淑

校書郎先生以所著周禮正義命駿校勘勉成五卷 宋陵發掘憾髡僧十載彊鋤力不勝為念先賢防

護錄唐林高義信同稱邑土豪某盜佔駿二世祖鄉賢頤叔公墓隨舉族鳴冤當事者受賂幾不得平反賴先生篤念鄉賢聯士紳七十餘人首

及枯骨歿存街感明堂議禮尚儒宗東帛蒲輪下九重東漢桓榮經術貴徵君

未許屈高踪時館總纂先生稱疾不赴 吾公積學務求新豈止淵源紹葉陳七百年

來將廢墜孫陽一去孰傳薪 主持教育括甌區提倡宗風在海隅太息河汾諸弟

子齊聲慟哭效唐衢 嚆將砥柱挽狂瀾舉世滔滔不忍看痛絕讀書真種子千年

國粹保存難 他族羣嗟逼處來浙中鐵道幾成灰殉身力為爭權利社會歡迎不

再開浙路議起桑梓權利必為所奪且立約逾期例應作廢於是設會演說 撼樹

虬蟄計亦愚涅磨豈損白乘軀叔孫空毀尼山聖日月高天不可踰 前朝水火興

朋禍偽學空誣朱考亭公已蓋棺名不朽此生無慮黨碑銘 國事艱難日已非吳

山越水賸斜暉浙東壇席今誰主撼失經師息鼓旂先生歿後溫處總滙處奉電裁撤 昔賢棠憩

資構別墅於飛霞洞側為先生遊憩之所工未興而先生逝矣 集雲谿溯咽流泉盤谷林深月不圓天奪斯人何

太速峴碑墮淚合俱傳 師資久已振甌東道德文章自此終我本孤山居士後為

招白鶴弔興公

林駿

歐亞文明漸度東胡天不怒此遺翁朝廷議禮方虛座學界持權得變通教育推誠

推福澤富強目的注蒙童疑年絳縣倘添甲我輩沾濡自莫窮

東甌繼起已無人說法嘗將自現身路股商場憑世運讀書著作失吾真散財不吝

謀公益處世寬和證善因予亦薦蘿嗟失施一聲痛哭一聲吟

林欽明

山城隱處卅年餘百晉廬中獨著書同里何人說姬墨故交離隔悵奚如其一

蘇綽功名彼一時荒江老去一經師平生志行誰真識姓氏空教九域知其二

問字鄭門願未成侍談曾許女中英宣文授業千齡事安得周官學復行其三

素秋一別竟成訣兩雁之間雲亦愁惟有篋中詩卷上數行獎借手痕留
昭會錄拙
詩一卷就正 先生先生 評云託興遙深振音瀏亮能一洗近代脂粉之氣尤
不易得手蹟猶新豈勝悵惘其四

從甥女宋昭

雁蕩名天下乃在甌駱中吾宗三大師接武振儒風
乾隆時宗鄉哲 敬軒先生著 禮記集解 先伯父遜學先生

先父止菴先生同心表 諸兄多成章仲氏更不同但惜艱一第竟老羅江東其一
章宋代鄉哲之學甚力

金陵八代都勝流之所萃是時 君妙年耆碩共驚異雖無北海表已數南洲士

兄少隨官金陵一時者 一朝侍親歸荒江別天下其二山城絕過客蕭然百晉廬春
碩皆折節與為忘年交

風吹紙窗悄對姬漢書編校參父叔研究兼佛儒未知葉正則較博定奚如
鄉哲葉

生稱南宋一代極博 亦兼通竺典 其三周官墨子詰曠代罕其匹
兄所著以周禮正義 墨子問詁為最重大 亡佚慰樂臺 墨

久佚 疏畧補高密戴君恨未見
戴子高先生為 兄知已恨其 俞氏殆真識 甫先

生為 兄年丈及見 兄墨子問詁 稍喜扶桑英或許支那哲
墨子問詁出版日本 學者盛稱之周官正

義去歲始出版未 流彼中 其四 問字玉海樓霜露俄七易李白薄窮經班超慕投筆自從蓬壺歸

壯志嘆非昔茫茫蒼鷄感私談空對泣其五首夏別如昨尋山偶滯齊
遺于四月十 二日有遠行

告別於 兄時 兄雖已 靈光聞忽圯正議歎誰持男兒亦有泪豈獨痛連枝岱宗
臥疾不料遂成永訣也

望無恙九域哲人萎其六

從弟遺 原名詒械

輓聯

浙東西先正凋零碩果僅存幸茲蒼括龍湫驚颺狂濤能砥柱

海內外大名傳播哲人遽謝遙盼芙蓉雁蕩村花山鳥共含棲

浙江教育總會

西京學術北海聲華公雖抱道未行嶽嶽英風許千古

南國峰頽東甌星隕僉曰哲人其萎年年梅雨哭先生

浙江全省僧立教育總會及
附屬僧民各小學校全部

時不再來歷越水吳山最後重遊成絕跡
公兮何往記梅花榴火撫今思昔倍酸心

客歲冬至後 公來杭同鄉留學爭驩迎公 公自謂第三次遊杭屆今年夏
至歲僅半週旋驚噩耗撫今思昔不勝慨然

杭州溫州留學會館幹事部

佳會憶吳山把酒高歌逆旅歡迎鄉長者
歸帆離浙海披圖懷舊深情最感小門生

浙江高等學堂溫屬學生

文章學問得浮沈真傳於今逝水東流來日誰昌永嘉派
憑弔歔歔登吳山絕頂何忍故鄉南望悲風聽送浙江潮

浙江兩級師範學校瑞屬學生

周禮遺書推絕作
永嘉學派失傳人

留杭法政學生

商界借餘光文章道德久推當代儒宗舉海內賢士大夫進化合羣爭訊鄭公鄉
在

講帷瞻咫尺興學育才籍廣一方經濟統全浙後生小子素車白馬齊臨元伯喪
來

溫州商會

四千年落落大師奈鳳去臺空滄海橫流悲砥柱
二三子熒熒無告痛山頽木壞甌江五月咽寒潮

溫州師範學校學生

為地方力挽狂瀾雖當浙學衰微一代儒宗溯安定
惟經生能擔義務瞻有周官纂述千秋新法雪荆公

溫州中學校四年級生

著作等身壓倒永嘉先生正別集

東南論學當在曲園居士伯仲間

温州中學校三年級生

鄉賢磊落鄭公風銅像千秋先生不死
國粹微茫孔氏學石渠萬古後起者誰

同前

先生學術不愧浪語止齋矧疑義訂周官起廢鍼育服賈九原齊頰首
鄉黨宗師必數平津江夏奈後先歌薤露甌雲鄂樹海天萬里送悲音

温州中學校二年級生

為國儲材文中子
專家絕學棘下生

同前

河汾講學心醉六經日營四海
高密著書括囊大典網羅衆家

温州中學校一年級生

著述擅一家讀敬軒遺集遜學高文應知累世箕裘繼起有公承絕學
哀思徧兩郡看華蓋雲愁括蒼星黯豈第旅甌子弟同聲痛哭失宗師

龍慶景公學

是經師是人師教育得英才甌括羣沾時雨化
有氣節有名節斯文失宗主榆枋同悼泰山頽

霞陽樂羣小學校

九愿趣農桑行看十畝葱蘢如撫棠陰懷召伯
八蠶興地利此後萬家衣被應將絲譜繡平原

蠶桑學校

師道以立善人以多千萬間厦屋新開劇憐組織功深大慰此邦寒士願
範圍不過曲成不遺廿世紀文明普及爭奈主持客去誰培異日教員材

立中堂學董事

開教育界造福鄉邦萃羣材咸坐春風想見儒珍光國校
負經師名忽傾泰斗媿小草未沾化雨願爲書帶繞公廬

南湖公育學校

二百餘校小團體熱心組織

十九世紀新學術力遂中西

公益兩等小學校

道高一尺魔高一丈

泰山其頽梁木其壞

樂清高等小學校

大雲不出雨天下

五嶽之尊頽泰峯

樂清西鄉小學校

女權旁落中國其亡乎經先生劍影琴聲頻喚起二百兆黑暗生靈觀茲天日

學術漸開乃公竟死矣痛吾族幼齡弱質當大勸四千年文明化育至此沉淪

樂清樸頭女學校

拔女界於沈淪黑闇拘囚奴隸之中厥功最偉

保吾校於譙尾翮羽瘖口曉音之後繫念尤深

樂清明強女學校

學界仗公扶爲十六屬披榛闢蕪溥施化雨

人師悲天喪率二三子素車白馬馳弔飛雲

平陽關西小學校

開教育界挽浙路權年來煞費腰纏直同張通州湯蟄仙鄭孝胥一派熱腸固無
愧括甌代表

拒金闕徵赴玉樓召身後幸留手澤應與黃梨洲顧亭林王船山千秋血食庶不
負道學先生

蒲州基聖學校司事

經營學務盡瘁三年海島也曾沾教澤

環顧士林同聲一哭鄉邦從此失儀型

玉環學界同人

玉環一島初見曙光賴吾公擘畫而來後起斯文應得與

銅像千秋矗立雲表為社會犧牲者勸先生食報定無涯

玉環中學校

歧海失經師壞木崩梁一哭天胡摧老宿

環山興學務披荆斬棘論功公自是先河

衛羣學堂

鄉邦二仲並推許叔重天下無雙傷哉又弱一個

商學兩界如喪鄭子產國人皆哭死者獨有千秋

瑞安商會

公果不返乎統全瓊學界商界政界凡百事宜伊誰肩任

余輩滋感矣痛此後老者壯者少者不平苦隱何處陳情

瑞安四十一都里人

海內稱之曰經師誰知面目心腸都似夫慈悲佛子

時局至斯憂浩劫忍將國家社會盡責諸薄弱少年

瑞安中學校學生

野有遺賢輿論翕然美矣善矣盡美矣盡善矣著述千古絕學誰相似撫遺篇仰

遺像遺愛無窮痛哭先生歸大夢

疾本無奇草木誤之天平命乎非天平非命乎歸咎諸人歧伯如可作相公病餌

公藥公何至死吁嗟近世妙良醫

瑞安高等學校職員

法部主政學部諮議典禮館又徵為總纂生亦繁矣著作等身戴之名山亘古長

存國粹

漢朝漢學宋朝理學東西洋視交推哲學死何憾乎功德在人祀于里社瓣香同

拜鄉賢

瑞安高等小學校學生

洞經史突肩教育仔身維兩郡關情非獨吾鄉哀痛二三子方失依歸蓋傳總滙
又裁來者其誰再向大廷爭學務

初廷議裁撤溫處學務分處先生力爭得改總滙處昨馮中丞聞公訃仍電撤
移湯餅筵充淮徐賑德溥羣黎聞訃不惟吾黨慟合十六屬公籌紀念最恨神菴
未竣明年今日將從何處哭先生

同前

吾朝巨儒惟先生累徵不起舉特科辭舉纂禮亦辭曠代之傑非徒東甌大師百
世尙知有人在
海邦賢達痛頻年積次云亡爲太僕哭爲學士又哭泪眼未收旋聽南雷警報於
今忍復弔公來

東南初等小學校教員

學務熱心路事棘手積勞竟莫起哀哀浩劫吾甌不幸若斯鄂渚甫招魂又爲梓
鄉哭徵士

聲名壽世著作等身曠代產異材渺渺予懷後願更無來者里閭存紀念還將銅
像鑄先生

東南初等小學校學生

鄂垣飛警電後先百餘日又弱老成問學界前途路事前途繼志屬何人砥柱云
亡豈獨蘭陵悲苟况

永嘉溯師承上下數千年特闢絕學讀周禮萬言墨子萬言先生長不死高山仰
止願從槐社鑄盧騷

西南初等小學校教員

爲甌括後學力倡文明予小子方賴栽培公烏可死
痛江浙前途漸形黑暗老成人相從凋謝我將安歸

西南初等小學校學生

劉向爲漢代大儒小子何知期他日趨承有自
吾校傍鄭公舊宇同堂咸在願先生魂魄時來

四十四

東北初等小學校

東南荷裁成西南荷裁成東北尤荷裁成合誠校惟吾社獨艱維繫此他人倍切
改良方亟諮請孔殷遽爾繼黃鮮尸後先凋謝吾今何望踵東南北三隅之後更
哭其私

學務承調劑倉務承調劑廟務亦承調劑有公益皆先生所賜關懷較已事彌深
無畛域心具同仁量偉哉與曾少卿慷慨俱傳愛莫能名借學倉廟諸董而前聊
酬厥德

西北初等小學校

周禮正義墨子間詁著作炳千秋環顧神州誰與侶
路事猶危學務無主先生歸大夢傷心甌海鮮傳人

外西北初等小學校教員

六七年教育肇新化雨纔沾愧處偏隅恨晚見

三十子開通獨後宗風頓歇空從長者哭先生

外西北初等小學校學生

爲學務勞瘁多年幸邇來振作方新天胡吝嗇先生壽

痛女教沉靈亙古願此後師徒交勉副公珍重命名心

敵校校名蓋先生所更命

德象女子初等小學校

處推陳出新過渡時代萬喙爭鳴正需厥敵奈昊天不弔奪去先生滿目狂風愁
殺我

繼德象毅武粗設規模一枝暫借未卜所歸恐來日苦多禍罹後死當頭皓月照
何人

德異女子初等小學校

風氣辱譽聞女界先弱質荷薰陶偕宣文德象東南德異四學堂同聲一哭

四十五

經術共推爲儒林冠大名垂宇宙與介夫行已君舉水心諸鄉哲並壽千秋

四十六

毅武女子初等小學校

偕女公子誦讀有年聞先生禮纂石渠珥筆上追通德里
愛大教育研轅已久願異日學成美術買絲先繡平原君

宣文女子初等小學校

中國女教沉淪四千年內則纂遺經小子何知私幸鄭公鄉近
先生大著汪洋數萬卷文星驚忽墜吾徒無福祇將羊叔碑傳

同 前

自黃帝遞歷四千年穿耳纏足傅粉陋態積習相沿忍教婦道沉淪直無天日
得先生提倡一二語毅武宣文德象等學校聞風繼起頓使女權發達不亞男兒

同 前

女流智識賴教育而開使吾稚髻知書皆公之賜
甌海文明實先生力倡爭奈哲人其萎我將安歸

東南女子初等小學校

文章可師經術可師道德更可師萬古宗風垂不朽
爲商界慟爲政界慟爲學界最慟吾儕小子痛何依

江上養正學堂

以南豐瓣香地關西鄉教育場經訓有淵源定當俎豆酬勳片席爭教陪乃父
上則爲國家憂下則爲及門慟斯文成絕續此後梓桑講學春風管領問誰人

澄江兩等小學校

雲江湖惡前路蒼茫着後起多才誰爲中流維斷纜
玉海樓高大名焯爍痛先生長逝豈徒吾黨失宗師

吾鄉學堂創辦屆今七學期迭受外界衝突千鈞一髮方賴公爲維持奈天不
慈遺喪吾宗匠前途蜀道爲之懔然俚言○奉挽川誌哀悃

大畧羣益學堂

爲雙穗提倡宗風感恩知己兼而有之祇慚學界闕新豆負先生懷盛望

四十七

是一朝絕大著作文苑儒林允堪不朽此後史官論定應驚吾邑多傳人

丙午歲 公疊次函勸晚等倡辦雙穗兩等公學為河鄉全部學堂起點蒙賜
學界闡新穎并跋語一則今遺墨尙在而 公已作古矣聞訃為之同聲一哭

雙穗兩等公學職員

等身著作惟治經獨擅專家他年國史標題文苑儒林應合傳

蒿目時艱舍求學別無良策此後鄉隅開化後生小子倍思公

雙穗兩等公學學生

守鄉先正之家法綜漢博士之洽聞援古證今經世有文光册府

興學務如伊籐候開民智如阿里氏積勞成疾折肱無術起膏肓

聚星兩等小學校

聖眷恩隆初徵君以學部諮議再徵君以禮部總纂幸吾鄉通德有人著作等身
經世能文光史乘

輿情化洽始主十六屬教育務繼主十一府教育權痛先生積勞致疾挽回無術

同聲齊悼喪耆英

聚星兩等小學校司事

兩載承恩霎時間忽喪文翁而今欲覓津梁愁對青山徒噉泣

一朝怛化偷地下相逢學使定亦關懷桑梓魂隨明月共歸來

聚星學校高等甲班生

先生真命世奇才以德業名以經術名大廷總纂見徵幸聖眷日隆社會改良方
有託

我輩固少年未識為政治計為教育計舉國阽危若彼奈公歸不復時艱補救更
何人

聚星學校高等乙班生

天子以諮議除公矧陬隅興學文翁領袖博觀光一旦騎箕對不競南風能無洒
日

舉國已阽危若彼縱紛社育才汪錡執戈終啣恨百年樹木感多情夏雨聊報消

埃

五十

聚星學校高等丙班生

公操十六屬學務主權胡期流逝一朝拋却甌括留隱恨

我亦三百校少年弟子回憶承恩兩載愴懷風雨倍酸心

聚星學校初等甲班生

國會請願全浙望雲霓胡天不假年北闕上書失代表

學界先知吾甌仰泰斗問誰堪繼起南鄉人士痛前途

十七都林坪勤業公學

泰山其頽天下惜

黎洲一去浙東哀

梅崗長橋初等小學校

學校重維持早知道在庚辛海內外同參教化
禮堂勤著述共惜運逢辰已浙東西失一通儒

沈家本

幸蒙天子優賢特許儒林光國史

若使魯生與禮定殊綿蕤起朝儀

曹廣權

海內爭傳政要書蛇讖悲聞誰承樸學

我生未識斯人面鶴徵黍附徒企芳蹤

江瀚

等身留著述

舊學罷商量

陳衍

廿餘年從廣雅十桂堂得讀君書有天下大名爲通經致用
千秋後惟韓陵一片石差看並語視史館立傳乃稽古之榮

宋育仁

五十一

墨子夏道司農周官注釋有功臣足爲歐米通郵舉胡嗣響
大僕楹書永嘉經制家邦重遺獻豈意羊求並逝陳葉無徵

五十二

朱福詵

千秋絕學獨在周官割量高密功臣後起遠過賈公彥
兩浙經師有光乘史慨想東甌人物曠世如欽陳止齋

吳士鑑

昔哭黃學士今哭孫徵君天何不憇遺兩浙經師此後漸成廣陵散
父爲清白吏子爲名大儒公可以無恨一門忠孝將來合傳褒賢碑

喻長霖

經學紹薪傳周官墨子籀篆金石尤多記述斟補繡譯甄微當代有鴻儒譽滿天
下名垂後世

聲華隆薦牘善化義甯長沙吏陽靡不爭聘交章采風問道一朝驚噩耗事彰獨
行傳立儒林

汪張誠

前廿餘載從瀛濱相過獨發山巖石室之書綿三鄭絕學
後二百年溯永嘉遺派乃覽循吏儒林列傳有二仲齊名

章長

野資矜式朝備諮詢偉茲經行交修竟赴玉樓悲長吉
懸布再登強臺難上太息文章憎命未傳衣鉢感和凝

支恆榮

道微世衰能通儒墨諸家證明要道
人亡國殄不止溫台兩郡慟失斯人

張謇

勃谿在室寇賊在門同志又弱一人益令我放聲而哭
精禽之心騎虎之勢力辭不容引退方羨君撒手竟歸
浙路多故凡助力者廢續卽世旣憫逝者益以自傷

五十三

湯壽潛
劉錦藻

在昔撫民弭患端賴持籌幸仁里相安曲意調停維大局
於今興學培才正資學畫悵道山遽返盡心提倡復何人

啟 續

珂鄉作宦屈指已閱九年憶曩時江河妖燄猖獗異常鈞誨幸親承頓令掃毒祛
氛使我一官脩職易

武林題襟屆今僅逾半載想近日甌括學風倡提攸賴蓉城遠促召此後育才興
教如公熱血替人難

庚子秋 鴻燾來攝瑞篆適拳匪以妖術惑民地方為之不靖邑紳集貲辦防公
舉 孫公總理其事勦撫兼施旋即肅清使 鴻燾得安于位者皆 公賜也丁
未冬 公赴杭州教育會之約辱荷枉存客窗話舊歡若平生因時際殘臘小
住則歸不料喉違半載而訃音至矣 公育才興學獨具熱誠中流柱折大星

殞天深為痛惜謹撰聯聊申哀悃

盛鴻燾

公竟逝哉祇留一片熱腸為四百兆眾固團體圖幸福舉凡愛憎毀譽均非所知
乃無慚當代大儒不忘君國
我將去矣溯自九秋謀面泊七八月來商邑政論民情以及利弊莠良靡弗相告
又誰料今朝永訣遽隔人天

徐致章

孟子之功不在禹下
明德之後必有達人

昔人挽戴東原語並世無足當此者獨可移挽仲容先生

缺 名

三百里風濤留滯白首徒傷既悲逝者行自念也
數十年几席追隨素心相對豈曰友之殆吾師乎

陳琪

異地作居停謬譽曾承琴席聘

知音歸寂寞招魂痛譜曲聲哀

徐時

為欲聞絕學而來半面未親公竟出塵歸大化

謝起衰重任以去昊天不弔我因愛國哭先生

張純一

教化一鄉開通兩郡為國儲人材不愧當年文中子

著書百卷尚志千秋潔身甘隱逸生平知己顧亭林

吳德亮

儀鄭已十年幸撰杖非遙猶得追陪通德里

識荆纔一面憾先型遽杳未曾質證考工篇

龐世松

一腔熱血滿腹大文甌海有逢才小子後生多受福

片語因緣千秋永訣鍾期今不面高山流水孰知音

徐超

為教育會奉杖而前速先生千里征塵忍憶黃花舊歲

集都講地束芻以奠痛此日兩楹兆夢何堪白馬重來

劉鳳威

先生以禮學名家復精研儒墨異同宗派溯乾嘉慎脩東原參一席

小子抱前人遺集荷大筆丹黃校勘流傳在天壤易齋盤谷各千秋

劉耀東

立說重文明一點血心扶世局

捐軀在教育兩行涕淚灑賓朋

鄒莖杰

世將自此大同惟先生繼往開來輸茲文化視東瀛福澤西土培根功業崇隆銅

像崔巍俱不朽

天胡不遣一老令後進執經問難失所師承慨昨哭相公今悲僕射耆英凋謝金甌缺陷有誰彌

屈温鈺

先君自昔契公才憶當年馬帳譚經石室名山早許傳人承絕學
賤子深恨識面晚矧此日鄭鄉聞訃大裘廣厦愴懷將伯更誰依

田澍

射策失巍科對下第劉蕢吾儕媿死
傳經崇禮教舍設齋安定士望誰歸

徐定超

當代一大師與乾嘉諸老相衡何期讖應龍蛇竟使斯文亡國粹
吾鄉真奇厄病應劉一時俱逝豈料行分鴻雁又拋老淚哭神交

黃紹第

保存國粹有河間五篇別開甌海紳權當世始知儒術貴
寥落朋交繼黃瓊再慟忍讀泰山學案遺書空見禮官收

余朝紳

譚經得兩漢宗傳志又在通今晚益旁耽希羅學
造士望吾鄉進化君亡誰繼起天何不佑括甌人

項崧

乾嘉著述陳葉家風溯生平師友淵源自慚藉湜不才獨守一編稱後死
壯歲研經暮年興學幸晨夕相隨討論豈意鄉閭小別轉從千里哭先生

同前

著作壽千齡廣國舒文學派開從甌海大
纂修光四庫承家接武才名峻與斗山齊

陳祖綬

北斗大名紹永嘉學派

南皮定論冠海內人材

六十二

陳祖綬

經師人師漸東西奉作大師為通天地人之名儒正上徵車修典禮
中學西學海內外並推絕學能立功德言于不朽應從里社祀先生

王嶽崧

作人至厚成人德

沒世宿流濟世光

葉志庚

著書得康成叔重真傳周官正義古籀拾遺立言不朽
經世道止齋水心宗派宣室方徵巫陽遽召學界同悲

朱壽保

閉戶著書寸心千古嘆大才難用何神龍不起黃鵠未羽
抱病身災一朝長逝乃天不假年令鄉人皆哭海內同悲

趙誦清

梁木其壞乎誦周官墨子諸集令名自有千秋壽命奚足論獨嗟學界前途薄海
生徒皆下淚

老夫亦耄矣憶籌防平糶歷年不才忝為同事時艱剛滿目此後地方義舉愴懷
領袖屬何人

項仲芳

海內高名大筆代屬君家方承命特管三階疊疊前修獨任時艱期進化
吾鄉宦澤儒宗只此數輩未逾年又弱一個茫茫後顧頻揮老淚哭斯文

胡福臣

為吾祖跋守城錄命同社潛集雲湖高義足千秋每思利益梓桑豈獨捐金成美
舉

由主政擢諮議官以才人應修文召臨風憑一哭自恨艱難步履未能扶杖拜英
靈

六十三

全浙學務舍公其誰逐漸改良方冀完全彌缺點
先父同年至今有幾驟聞哀訃那堪苦塊哭先生

六十四

王撫宸

陳桂元

兩世沐恩知君負海內大名收取路權恢張校舍紓國難不惜傾家何期黃鶴樓
空隣笛愴懷五月落梅悲絕調
卅年深結契我愧浙中未學搜金石志紀山水遊篤鄉情時勞過從爭奈紅羊劫
重謝池感舊三春夢草失清才

葉琮

存一善心非仙即佛
有三不朽雖死猶生

陳保隆

曲園卽世惟君爲兩浙大儒著述等身專精眞越右台館
邇學旣殂有子繫斯文一脈音塵復寂憑弔忍登玉海樓

項方蒨

碩學振千古清望冠一時山高水長人咸仰止
通中西之郵洞新舊之奧信今傳後吾無間然

汪庸年
詒年

姻舊忝爲賓正名定分畧分言情五年來款款傾心憶授餐旋詠東脯兼行感切
矣撫茲賢媛詰嗣慚愧班門施斧政
維新仗作主因事致勞積勞成疾兩月外匆匆撒手恨視舍未親返魂乏術痛深
哉惱煞風瀟雨晦淒涼巴里歇春聲

池學瀛

天隕文星三瑞雲山都閣淡
公多鄉誼一方人士失瞻依

賈榮

六十五

複

幸蒙天子優賢特許儒林光國史
若使魯生興禮定殊縣紀起朝儀

六十六

曹廣權

文章壽世著作等身學務具熱心每思天下英才盡入校中沾化雨
叔度既亡興公又逝知交多寥落為數吾鄉人物幾如天際盼晨星

洪炳文

著述徧寰區道昭中外無愧一代偉人歎當時長往難回孰安東浙諸儒之訪謁
捐資營學校功及夏夷足稱千秋師表傷此日遽成永訣因屈北朝衆仕所推行

李蔭衢

觀著作等身經師人師獨有千古

開維新世界商務學務誰作中流

林乙藜

同輩則古為當代大師獨有千秋文苑儒林願合傳

林向藜

丹紹荷恩褒費盡桓榮稽古力

青箱成繼學空餘孺子束芻心

徐象先

淵然學者當代一人溯平生里閭從遊條乃終古

大哉死乎吾鄉二仲並國史儒林列傳難在同時

公之歿也全浙紳學界在杭開追悼會並臚舉學行暨其遺書呈求疆吏為請
於 朝列入國史儒林傳此說已見各報久必實行若然則 公與黃提學居

同里歿同時史同傳不亦難能可貴耶佛家謂生有自來徵諸二公益信

胡調元

著書歲月祇須周禮了半生豈知憂世別有深心會中外時局方新高論定應超
賈董

六十七

遜學家風直與宋儒爭千古奈何當代不留遺老合遠近士林同慨舊姻從是忝
邢譚

六十八

張綱

妙年博雅與先君同上公車往事我堪悲落落賢書一病又成大暮夢
吾郡學風賴諮議維持社會斯文天遽喪茫茫甌陸後死誰為熱血人

王薪傳

周官墨子學曠代一人玉海樓長對荒江微君父太僕公以詩古文名世提倡南
宋鄉哲之學甚力築書藏曰玉海樓
公卿之罪

吳山越水問真隱幾氏伯牙琴忽失彈者宋末浙中大哲鄧先生牧著伯牙琴一
種其議論開黃氏明夷待訪錄之先
猿鶴同悲

宋衡

姬氏之功臣墨氏之鉅子華嚴宗之道嗣師儒高密鄭鴻博弗如悲積雪壓神州

更披絕域圖書去障研求深入理

甲午哭太僕庚子哭學士戊申又哭徵君人物穎川荀音塵俱杳悵沈陰埋雁蕩
最惜鄉邦文獻精心搜補未終篇

徵君父太僕公會述甌海佚聞搜輯鄉邦文獻甚博未刊而逝徵君校補付梓
未終叔父學士公著有東甌大事記亦未刊行至可惜也南宋鄉哲如陳葉諸
公其論議皆破除門戶暗符立憲主義與新安不合故遺書晦于近代孫氏雖
極力表章有永嘉叢書之精刻然以無登高一呼之地望世卒鮮屬耳目者今
徵君之逝鄉邦文獻之光益無可期矣

同前

今說先行古文後立經師相攻擊如怨敵於是尊董何者斥周禮講許鄭者非公
羊至東洋哲學西洋哲學益鮮克觀通九域數方聞 先生最門戶不分良欽盛

德先生為古文經學大師尤精治周禮同時今文經學領袖表某氏攻許鄭甚
力於周禮直斥為劉子俊偽作然先生不以此而遷怒反對極表同情於其
所持政制立憲之政論先生自少兼者內與得華嚴宗之傳閱中嚴幾道通西
洋哲學所譯天演論始出東洋哲學者譁然痛罵先生獨盛稱之其不存門戶見
之德量俞曲園師外一人而已同邑陳介石部郎小先生十餘歲精文史之
學識者許為章實齋後一人傲岸不可一世未嘗一訪先生且曾緣姻婭事與

六十九

先生結訟經年然先生卒以察其志行果超卓釋憾相過從且屢薦之于大吏此一重公案尤為先生德量之昭然在鄉人耳目者山陰蔡民友編修少受知于李尊客侍御以力持清議幾無容身之地先生素不欲勿施以直為報聖訓無偏倚可疵瑕奈何談自由則昧他界慕兼愛則棄人權恐北方之強南方之強皆未免過正八儒妄思述賤子恨風塵多病未慰殷期衡于光緒十有七年中陳古刺今閱慘俗哀婦人之處先生皆表同情又不自量久欲述八儒源流廣盡見以張孔教善質此意先生欣然勉以早成而衡惟悴風塵至今尚未定稿先生忽焉逝矣定稿後于誰就正耶念之

同前

憶予昔談經承乃叔多情交付春風培玉樹

聞君今立傳想史官有幸羅搜甌海得明珠

仲容世兄千古

陳壽宸輓

頻年多故嗒焉歸去來身同志幾晨星那更泣鳳悲麟絕筆遺書難卒讀又弱一人中距百五十日時光委逝水太息漢江甌海浪淘沙捲兩先生

唐輔墀

海志山經殫精竭慮

天涯地角剪紙招魂

溫壽麟

話墨子義見重東瀛即論文字前緣彼國信才難衆口交推到此方知經術貴過黃公爐甫歸宦櫟報道先生又逝吾鄉何福薄自冬徂夏那堪再覩泰斗頽仲容先生著作等身名聞中外墨子閒話一書尤為日本文學家所稱賞先生逝矣展讀遺書為之惻然

李炳光

著書獨自有千秋正中朝詔遣蒲輪慕桓榮稽古待曹充定儀翛然人望所居相去不數武忽隔舍歌興薤露過黃公酒爐聞山陽鄰笛淒絕予心

陳國琳

虛邪一病喪我公追思瞻園風雨詒塾琴尊往事竟茫茫老大方成身國恨

經術千秋原不朽即論學務屢埋路權香渺羣飛皆夢夢甌浙難為砥柱才

池志徵

公去有千秋一萬卷著作等身石室名山絕學重昌永嘉派
我年逾半百三十載流光似夢月湖燈舫前塵怕憶秣陵遊

同前

為吾郡學界輿輦絕續所關何天不憖遺一老
觀身後撰述經術文章之富先生固自有千秋

洪錦

廉淮標

箋疏述鄭康成有功於禮經間詁述黑翟氏有功於格致理論述斯賓塞有功於
哲學譽望壽世著作等身與石室名山長此終古

伉爽似蔣則先而不得御史博洽似曹叔彥而不得翰林開通似楊哲子而不得
京堂肅靖持躬淡泊明志如閒雲野鶴高莫能攀

周拱藻

樂得天下英才而教育之開誠心布公道德齊陳葉羣推無上宗師天不憖遺八
百孤寒同聲一哭遙想音容渺渺行偕甌括士夫特築紀念祠虔供春秋祀事
博覽中國古籍閱疏證焉注周官詁墨子功俾許鄭共欽海內耆碩學其永泯卅
年撰述繼緒何人顧茲元著超超應與江夏先生並列儒林傳長為鄉土表儀

葉鈔

儒林文苑吾鄉幸有二人何期先後淪徂頓使江山沈故采
美玉良金存篋尚多遺稿安得搜羅編校更教梨棗發餘光

項方良

澤蟠

著作等身文章華國朝廷屢徵未赴公推海內一經師豈徒頓失瞻依鄉里後生
難繼起

大新航業溫溪鑛苗疇昔小試其端均引不才為同志此後若圖再舉主持艱鉅
望何人

項湘藻

高才碩德為吾甌第一完人走卒知名士夫墮淚公死其無恨也所惜萬事就灰
浩浩橫流誰砥柱

博學通經在兩漢大師之右徵車屬道梁木興歌天將喪斯文乎值此羣言淆亂
淒淒圓石竟鐫名

蔣作藩

伏生為當代大儒璧帛頻頒正擬衣冠趨北闕
謝傳乃一時名士園林未築竟教絲竹冷東山

去歲京師有禮學館之設禮部奏派 先生為總纂時先生年六十吾鄉學界
諸君謀築別墅為 先生壽事未果先生遽歸道山惜哉

童煜

先生以忠憤殞身惟國權漸失路事尙危九原下哀怨誰聞心比靈均應不死

光緒丙戌丁亥 公先太僕為其長學萃農聘任詒善祠塾教席屢以文字商
正於 公迄丙午公倡辦我邑中學堂兩兒均蒙錄入一門之中叠荷恩知其

隅然耶胡天不弔遽奪公年四顧無聊百感交集不自覺其情見乎詞也

陳璪

我佛具慈悲願力奈賤子緣慳癡兒根劣一刹那人天數隔花拈墨鉢總成空

百年現象到眼都非歐化漸國粹亡玉海樓又失傳人鳳麟抱泣
卅載生涯如夢初覺故交稀知音絕詒善祠重尋巢慕琴劍悲鳴

同前

卓識絕倫著作如公能有幾
膏肓深入刀圭似我復何施

林燾

領纂修席登著作堂經術擅專家咸仰高名同北斗
熱興學心起衛商點治安關全浙豈徒遺愛在東甌

林 夢 夔
維 翰
雲 瑞

道德文章推公稱最來日儒林立傳元著永存不朽如公復何憾
飲食教誨視我獨厚一旦噩耗驚聞邑人皆哭感恩似我豈勝悲

陳彥清

通中國慟喪經師從此研圖注篆繼聖無人天胡不仁降殃遽奪甌大老
為兩州廣興教育嘗謂鞠躬盡瘁死而後已言猶在耳傷心豈獨郡諸生

葉羣

毀家興學設會保商更兼路事焦勞食少事繁療病恨無思邈術
兩世知交一朝訣別自愧里門跼伏晨星舊雨傷心忍叩寓廬居

同前

戴氏經學

先生經學最

近戴東原氏俞氏子學

周秦諸子之學自俞蔭甫氏逝更湘陰政論生

于政治上識解議論最先與湘陰郭

氏崇憲合符非至甲午後始變者曲阜章詞

先生于詞章最工駢體格人物大

難百年間得似先生能幾輩

全浙教會

先生被公舉為全浙教育總會正會長全甌路會

先生首入浙路二千股其股金方演說

立憲

當同治間調校郡戴子高李壬叔諸氏盛慕海外立憲政體先生已表同

織自治山川無恙千里內共嗟清議復誰持

先生逝後數日全浙清

同前

盛孝章負天下重名雖因憂患折餘年正史長存姓氏

鄭康成爲中朝碩學恃有詩書敵高爵後生常想光儀

項恕

巍然當代師凡筵官禮詰墨子證旂誼洋洋十萬言著述等身歎乾嘉諸儒無此

實學

殆哉世變亟若立憲政挽路權興教育熒熒數大端怨勞獨任數維新人物首重

先生

張之綱

鮮庵謂龔詒流傳視高誘張瀟諸家非但無愧禮疑屹新編何人錄上石渠閣

高誘張瀟本黃仲學士墨子問詒跋

◎請名原寫定反赤縣神州舊物藉以重光古文成絕學令我愁登玉海樓公
外人所著文明史謂中國象形文字絕滅
續而為名原七篇蓋恢張國粹之作也

七十八

同前

儒家墨家統合於一為中國二千年來別開學派
法治禮治道符大同惜先生十九世紀僅訂朝儀

同前

表章墨子疏證周官並世莫爭雄直沿畢戴淵源爰集大成稱後勁
經濟開科禮書設館徵車皆不就壓倒京華冠蓋長留高節峙千秋

項葆賢

立著首周官為書九十卷籤遠邁唐人稱正義

育才尊孔教此部三千弟子咸趨殿殞哭先生

項延炯

海內經師逝

甌東學子悲

姜周尙

省垣盛會傾動一時輿論翕然攝影歡迎且喜偉人來學界
予妹云亡未逾半載吾公歸矣問安視膳應修婦職到泉臺

洪錦庚

澤家六十日沉疴莫挽賤子已徒勞最恨未讀內經調和湯藥唯醫命
從遊七八年深恩未報先生果安往何忍更檢遺著悉鐫梨棗待人傳

葉彥博

昌亞歐派見世有幾老與斯道大作姻緣况維持學務路權盡瘁竭一躬公爾忘
私轉瞬積勞成疾疾

廬中表情祝我逾所生較諸戚更無城府奈檢點藥爐茶竈追隨甫兩月愛莫能
助拊公哀慟失瞻依

同前

七十九

世傳永嘉學派屢保經濟特科典禮待纂修海內榮稱稽古公才公望傾動瀛寰
宜列儒林宣史館

任學部諮議官爲全省教育長浙路推代表商界願借餘光實力實心保存鄉里
豈惟著作壽名山

張一暹

世載著書多墨傳閒話繙考軼文積半生伏案功深尤以禮疏特邃
三年興學瘁熱血幾乾謗言偏起觀此日蓋棺論定究於盛德無虧

徐慎行

闡漢宋二千載遺經疑義於禮尤精壽世有書亙古輝煌文苑傳
啟歐括十五縣新學曙光雖勞不計報功何處萬年俎豆鄉賢祠

張世華

大家著作名士襟期道德能文章遐邇流傳三不朽
後學津梁新猷諮議死生關世局身世感慨兩無涯

王毓英

新政方興歎息前途多阻礙
經卽遽謝傷心耆舊半凋零

陸慶輝

大雅云亡綠水青山誰作主
老成凋謝落花啼鳥總傷神

章 揆

別都門航海而歸望故鄉山水最擅靈竒空谷有高人方思前議重申亟爲先生
營別墅

正禮館虛席之日聞當道衣冠頗殷飢渴安車方在野忽報大儒長逝更誰後起
定朝儀

沈守經

道範渺難親每披司馬高文頓覺前塵成一夢

拙刻榴蔭山房印譜曾蒙籀廬先生誤賜序言籍增光寵今遺墨尙存而先生
忽歸道山捧讀再三不禁爲之悵然

微名何足齒幸擅雕蟲小技同傳遺墨到千秋

葉鴻翰

忝爲北海鄰乃未識康成一面

適從南越返不圖哭明復千秋

季復

京華晉接舊雨彫零記曾瀾刺空投深感高情知我厚

鄉里耆英晨星寥落何意黃爐甫慟又揮熱淚哭公來

陳濟源

辦學具熱心十六屬統攝大綱存古維新皆壹意

蓋棺垂定論數萬卷證疏載藉著書立傳足千秋

沙廷琛

十三歲著書批會王儒志熱血灑全國小雛奮開新學派

五百年名世尙友黃黎洲元神歸上界泰東西哭老經師

白超俊

國朝治禮得先生者有幾家造物最忌才竟令嘉定休甯同校石渠來天上

社會感情即百世猶如一日與歌總載道豈讓盧梭論古獨留遺像在人間

葉鏊

公眞鄭氏經神三禮闡精微又纂政要詰墨子絕學相承廻溯雪梅香杯銚清譚

猶過我

我愧廬陵名士一言邀獎飾復教學問勉游歷感恩永失忽驚梁木壞兼葭薄植

陳嵩

悵何依

是藝苑功臣爲瀛環代表等身著作無論矣記得志輯永嘉君總纂而僕分修曾

效義之北面

興兩州學務冠三部官僚屈指今時有幾哉何期書成周禮壽梨棗而珍珠鼎條
傳姬旦西歸

張鳳誥

衍夏峰一脈真傳經師人師閉戶功深徵博雅
開甌海萬里廣厦知我罪我蓋棺論定有公評

陳儀洛
葉維周

興學維殷士林嘉惠
哲人其萎遐邇同悲

陳鴻儀

中國大經師拓開永嘉學風早攷定三禮全書天錫頭銜光耆宿
吾黨私諡議例取杜陵詩意算剩有萬間廣厦年來心事慰先生

周德駿

下走仍歲侍末席

海內同聲哭大師

石蘊輝

時局不可支仗先生數載苦心保存梓里
經營多未了痛此日滿腔熱血帶赴蓉城

沈 霽

禮經纂述累萬言正朝儀待定賓館宏開如何一老不遺東國靈光公遽賈
撰仗追隨閱三載當廣厦初成宏規物就忽報哲人其萎南洲孺子我尤悲

蔡冠英

周官詮義墨詰甄微著作擅專家頻年撰杖追隨問字忝為鄉後學
陶鼎詩新存山銘古呻吟留妙翰此後臨池懷想傷心怕檢篋中書

李 爽

論交三世侍教十年尊執悵晨星那堪寥落緇帷又見師承擢北海
噓薦千言啣恩一哭藐躬焚孤露此後淒涼葛屐更誰盼睽到鹵華

潘祖烈

禮經集解甌海佚聞家學相承有公可稱三不朽
浪語名篇橫塘著論永嘉遺緒于今直繼九先生

曾詠沂

中原多故大道就湮幸廣學甌濱難得先生肩重任
吾郡何辜少微忽隕痛箋遺石室更誰後死與斯文

胡念培
陳壽銘
徐毓俊

累世附末光况曾寵賚泉臺道先君遺行獨詳錫以大文垂不朽
一身宏樂育豈止澤流鄉校奈海內師資遽失從今多士痛何依

楊慕份

負謗已經年昭雪幸憑吹植力
夙緣慳一面望風常切典型思

夏國佐

石渠明詔開新閣

玉海遺書弔故樓

吳箴

天下哭大師一代薪傳至此盡
吾鄉論教育百年草創仗公多

曹文昇

愧我本無能草草輸財佐興學
識公恨太晚匆匆一面即千秋

徐幹

中朝碩學寥落兩三人石渠議禮蘭陵著書妖夢忽生嗟歲厄
賤子頻年犇走數百里括蒼浪遊橫陽頻死不才終覺負公多

施旋

浙江潮汐我有何能驚電忽傳來痛茲駭浪奔濤問誰砥柱
祖國陸沉公肩其責英魂何所託且附括山甌水留點光明

鄭濟周

千秋學術經微室

百代鄉型儒志篇

林寶善
洪超賢
吳超賢

遺書上秘閣是顯家是哲學鑪冶中西卓然自成一子

蕭文昭

遜世却徵車因育才因拒款憂勞歲月胡為不假數年

公之碩學邁漢揚雄記曾春暖寓廬載酒相從問奇字

姜會明

我多煩憂如楚宋玉况復風淒江渚悲歌於邑續招魂

逝者如斯聽甌江莽浪萬聲太息中流失底柱

先生歸去贖玉海危樓一角荒涼殘照鑠退書

黃益謙

大著與乾瀆鄉先達並有千秋絕域亦知訓詁貴

一去而甌括學務處竟成陳迹異數更無諮議尊

公所著墨詰風行東瀛邇來溫處兩郡中樞建有學務總滙處創例也公以經
師官學部諮議始得專設沒後尋罷竊歎公之去留關係名教者甚鉅誦蘇文

陳煒儀

忠上慟天下下哭其私語曠世同感不覺泣然

為周禮撰正義為墨氏釋閭詰生平得意著書博古通今不愧維新真傑士
是朝廷諮議官是地方教育長此日文星遽隕開來繼往羣悲曠代大經師

葉維華

國失禮臣當世失大儒慘天悲地吾為永嘉哀絕學

家喪慈母宗邦喪有道椎心泣血誰偕下走弔中原

九十

黃宰中

觀列強政要不出官禮一書羨君學成克存國粹
論吾浙教科宜先德育二字問誰繼起無愧人師

潘鴻

造物不仁遽奪我鄉邦二仲
後生安庇焉得此廣廈萬間

陳夢熊

石渠閣上文星厄

玉海樓中夜月寒

姚廣福

纂禮本專家值政教糾紛天不假年莫使儒生修鉅典
傳經自千古慨鄉邦僻塞人方開化更爲學界哭前途

徐希勉

萃甌豁開山水亭毒斯人立說邁前賢墨子周官墜緒茫茫獨遠紹
弔玉海樓琴書荒涼無主招魂歎殘照翠旌孔蓋大江莽莽恍揚靈

游鳴鑾

憂國熱忱憐才雅意
儒林碩望教育名家

余文燦

茂叔襟懷光風霽月
安定學術博古通今

夏巽申

廣廈鐵血成豈等杜陵詩偶託
周官魂魄寄古應妃日夢難醒

仲容世伯千古

九十一

時望洽全洲問天下齊名有幾
紳權張甌海極生前稽古之榮

九十二
陳閔恕輓

注就周官堪追前哲
創成學務誰步後塵

陳閔慧

著書萬卷負乎上下古今痛中朝喪此鉅儒國粹幾淪胥豈第十六屬攸關多士
追思同涕泪
共事三年歷盡艱難辛苦慨橫舍猶虧一簣學規方草泐遽卸二百人重累不才
後顧更蒼茫

孫海表

天既吾鄉不半載迭喪偉人夢夢果何心四顧後來健者少

郭鳳誥

我侍徵君以一身叢招衆謗紛紛爭欲殺三年不死幸偏多

劉項宣

毓才興學是先生無上熱誠廣廈闢榛蕪任此浮撼樹蜚蜮含沙銅像千秋福澤
馨香應弗替

填海移山愧小子謬膺助理謗書盈篋笥歎薏苡遭疑棘荆滿地冰懷一掬樂羊
心事更誰知

同前

起
我爲天下痛非個人私感情問榛蕪世界浩瀚潮流憂患孰關心一死方知難繼

靈
公從湖上歸以路事諳相屬奈狐腋未成車塵徒瘁彌留猶繫念九原終莫慰英

馮豹

兩浙鉅儒又弱一個

先生所學自有千秋

九十四

周鳴和

濬學海潮流公真健者

仰儒林泰斗誰作替人

吳端纓

永嘉五學派各有千秋至吾公振起前徽喜絕業重新方祝文明如旭日
甌越三大師雄視一世惟先生滿深國粹奈哲人其萎空餘遺響託悲風

王魁廷

三載侍公無事不蒙加寵獎

一誠待我感恩未報倍傷心

蔡秉章

浙東碩學卓爾名家覽全球曾有幾人公已獨垂不朽
江夏通才溢焉長逝閱六月又弱一天何頓喪斯文

沈鳳慶

羸氏燔籍周典亡合古今中外參校成書法制本六官新政萌芽資寶鑑
歐風煽亞孔教熄絲道學儒林深造極詣薪傳延一髮斯文絕續哭經師

陳壽煊

得先生力遊學津沽自愧野花開近日
正卒業時歸帆甌海驚摧梁木悵臨風

蔡銳
蔡異
屠俠
阮彤

滄海正橫流問洛淵源此後何人繼續統
師承今懸渺括甌士子更誰傳授教科書

缺名

一生事業罄竹難書惟經學專家別有蜚聲傾兩大

九十五

千里海天東芻致奠痛江東無主那堪帶劍指南歸

九十六

陳吳光

具有福澤諭吉教育之能提茲後學
憾無立波尼爾神仙之藥醫我先生

王瑞駟

祖~~張~~學仁齋行一身兼有

罕生亡國子悲千古同情

林慕翰

上下千年羽翊聖經推此老
東西兩浙維持教育更何人

徐斐然

先生係浙右儒宗何教育初編擲筆空中歸大漢
我輩係江東舊族痛鄉關無主東芻天外哭私衷

湯國琛

科學賴提撕正期佑啟後人庶幾教育宏開重組文明新中國
經師傅衣鉢何意膏肓篤疾竟使典型永墜徒增痛恨舊西湖

缺名

夢縈浙水殘燈暗

星落甌江夜月寒

缺名

著書成數百萬言洋洋大篇此才真空一代
生平纔六十餘稔奄奄長逝胡天不佑我鄉

缺名

著作甫完書方期孤詣長存允與故鄉樹模範
歡迎剛半載忽報先生歸去傷哉後學失瞻依

缺名

九十七

時事際多艱地上已無乾淨土
傷心成永訣先生長作太平人

九十八

缺名

生佛萬家哭公不再

武夫一孔愧我無能

薛毅夫

別未三月去竟千秋生死歎無常每對西湖弔臙水
梨洲方逝興公繼往斗山嗟失仰忍聽東浙咽寒潮

缺名

天喪斯文哀後死

我從何處哭先生

缺名

歡迎甫經年期省會重來爲吾浙維持學務

聞耗又七日痛斯文早喪更何人修纂禮經

缺名

吾甌鄉先達全浙教育家翹首穹蒼何不憇遺一老
昔讀歡迎詞今賦招魂曲關心鄉里曷勝泪下數行

缺名

身肩教育力挽狂瀾倘令天假年華兩浙前途多幸福
道德專家文章壽世遠爾神遊仙島東嘉學派失傳人

缺名

碧落任長遊惜經世才猷徒觀海濶
丹書徵不起笑出山心跡身共雲間

缺名

約以禮博以文東西浙咸蒙教育
巷不歌春不相商學界共哭先生

九十九

興學育才公其獨任
文章道德世莫能名

一百
缺名

曲臺撰著惟先生絕學方新滄海簸風潮如何天喪哲人孔壁微茫不許康成延
一脈

缺名

石室文章痛賤子瓣香最篤淵源摧泰斗此後書傳別集韓門編校可容皇甫附
千秋

池虬

歐化東漸漢學微起廢鍼育舍高密誰維國粹
滄海橫流世變亟懲前法後惜蘭陵徒老經師

同前

痛鄉邦連矢大師南雷夏峯呼不起

撫文章感懷知己徐陵庾信負相期

陳明

周官大師墨學鉅子擅千秋絕業專家公真不朽
測海智窮移山力絀愧三載濫芋鄉校我負相知

劉紹寬

絕學不傳虛後死
區中知己獨先生

同前

梓桑學務獨任鉅艱卓然甌海大師訪道鄭鄉應下淚
絲叢朝儀亟需釐訂擬纂開元通禮傷心李銳未成書

陳權東

辱吹噓滿祓近十年餘束芻黍酒我哭其私無暇為天下慟
合歐化國粹為一鑪冶石室名山公真不朽豈惟是當時榮

李式揆

鄉里方殷廣學謀忽大雅云亡妖夢竟為鄭公厄
朝廷特虛議禮座迺屢徵不起儒林應識魯生迂

李式夔

治經近世幾專家讀周書斟補研古籀拾遺絕作兩無倫即此先生名不朽
於公之死知天意挽杭甬路權綜括歐學務大端都未了甯惟吾黨哭其私

張 桐

千秋玉海樓中客

一个儒林傳上人

王景羲

賓席七經秋顧茲羣阮多才通德門高兩世淵源仍弟子
新疏八十卷愧我代庖斟禮頤園人去一樓蟲鳥弔先生

同 前

我公為國事勞形具教育熱誠極力經營入地有靈應不朽
論事則中外綜貫負通儒碩望等身著作遺編壽世沒猶生

張夢星

故里耆英悲又弱

先生經術自千秋

李潤光

飛雲一餞當時得接光儀方欣高密經師著述文章應不朽
來日大難此後遂成永訣所惜東甌學界主持推廣更何人

朱 襄

經師一去人爭謚

父執何堪吾失公

邱壽銘

帝眷正隆矣詔書特下以一官為全地球聞名大力能轉旋應如日月升恒長使

梓鄉膺幸福

百〇四

國運何蹇乎時局方艱不數日而兩先生仙逝中流失砥柱試問東西學界更誰培植後人才

章明申

道德學問文章俱稱不朽

太息痛哭流涕非為其私

史久稻
張世恆

周官政事墨子藝能亙古沈霾公獨闢

箋注黃書發揮素問疑義商榷我無師

郭弼

天下事可知經師人師誰繼厥後

君子死曰卒愛鄉愛國竟殉以身

陳愷

撰述逾數萬言許氏學絕世墨子學絕世周官學更絕世後起寥寥獨惜纂修遺邑志

公死甫十五日船捐所破壞調查所破壞勸學所又破壞前途岌岌伊誰砥柱障狂瀾

薛鼎芬

講學窺乾淳諸老自成一家痛哉論定蓋棺供養湖山豈為私誼近與諸同人議建紀念祠於飛雲閣左側奉公遺像

考終繼江夏先生僅逾六月悲夫以身殉道廻思鄉里絕少替人公在郡籌辦學務積勞成疾竟致不赴

項毓芳
楊世環

隱居四十載僉曰著書立說明哲保身誰知老態驟增未遂衷懷經國志公病前一夕語環云入春以來老境日增曾中事諸多未了且左足艱于步履禮學館之命不克赴召噫言猶在耳思之慘然會弔三千人追思公義私恩感傷墮泪我愧庸材難造更無親炙講幃時人感公

百〇五

教澤就郡城師範學校開設追悼
會環往弔焉又成一聯伏祈冥鑒

楊世環

百〇六

言壽本無齡西哲謂立德之壽立功之壽爲有齡惟立言之壽則無齡耳遺著長存天下口
靈魂終不滅先生但蛻世間身

項驥

大道東行弱水三千無所阻負圖愧微功青簡尙新公已古儻神遊窮島親聆弦
歌定驚魯城諸生胡來異域

子身北邁蓮山一萬重相隔懸劍會有時白雲徒存德滋邈每手披遺翰用理碑
碣冀遇延陵季子與慟同心

丁未孟秋重辭故國臨行晉謁曾蒙賜書書爲 先生新刊周禮正義凡二十
八册海涉重瀛卷積數尺携至北海幸無散佚即轉呈校長佐藤博士冀光吾
漢之絕學惠此邦之士林也博士深精漢學得書稱謝儲之書府視若秘寶時
命諸生遞相瀏覽好學之士傳觀不倦雖地僻荒陬人餘夷種先生之作衆口

咸誦先生之名震茲殊俗矣蓋聞道苟不行居夷非陋禮而或失在野可求輓
近歐化東漸古學寢衰國粹存亡未可逆觀先生今茲之絕作將爲孔壁之遺
編韞積異國待發他年所謂不朽盛業殆惟 先生有之歟大同北邁以來接
先生函索蠟夷古蹟近纔從事蒐集僅得碑碣數品方欲付郵藉供鑒玩遽聞
杖履已返道山撫物念舊愴然永懷因成此聯聊抒哀思匪敢言文冀邀靈

鑒

林大同

名山著述本專家頻年杖履儲材酌古斟今鼓鑄文明肩已任
當路公卿方側席一旦魯靈絕響針育起廢維持國粹賴何人

楊清綬

學界商界同聲一哭

經師人帥大名千秋

百〇七

楊懋益

集古媿歐陽籀體臨書尙有名原傳絕學
登真歸物利頤園載酒更難奇字問先生

百〇八

鄭德馨

縣一束生芻吾愧南州徐孺子
支將傾大廈公眞當世郭林宗

陳兆麟

石渠議禮河汾授徒大經術家大文章家大教育家著述五千精義微言示來世
普海儒宗名山事業有成德者有達才者有私淑者孤寒八百同聲垂淚哭先生
普通受教旅次承顏想當年攝影武林惟有先生成不朽
勸學未開師範誰依恐此後翻潮甌海如何結果實難言

林贊元
贊元傳

林樹勳

公久與叔度並轡齊驅如何二豎難攻先後玉樓同赴召

我猶憶子瞻懸弧祝嘏竟爾一棺長閉古今黃土信無情

林文澤

譚經懸河口却聘似水心明復不生東浙人師清望邈
憐才熟若渴說士甘於內介休老去南洲孺子淚痕多

林宗強

碩望震五洲生榮歿哀此去九京眞無憾
先儒增一席文章道德俟諸百世復何疑

王朝瑞

莽莽神州學者有幾得公而儒林傳乃大放光彩
茫茫禹土國事方多愧我無買生才以宏濟時艱

許維成

兩浙溯名流如公有幾
一朝悲終古於世何堪

百〇九

李肇岐

著周禮正義數萬餘言絕代文章傳瀛海
繼江夏先生後先相逝全甌氣運促龍蛇

朱慕夔

興學務保存國是中邦物望傾心推為教育家知我公志在千秋令名奚止全浙
冠

輯周禮闡發治權北闕樞臣拭目行看經世畧何蒼天不遺一老感情豈獨故鄉
多

胡倬雲
方平章

昔為公迎今為公悼六十翁勝地重遊杖履追隨成往事
病不知日歿不知時一千里電傳噩耗浙潮嗚咽哭先生

李復

望齊江夏學邁曲園何堪甌浙偏隅迭殞鴻儒傷士氣

病豈膏肓發驟且夕自作依違衆議未抒洞見起沉疴

陳葆善

讀先生元著祇周禮正義墨子問詒已足千秋內體縱云亡人世決留大紀念
論歐亞巨儒合校格拉底福澤論吉卓成三絕靈魂如不死泉臺應證舊心源

鄭輔周

闡嬭周學俯拾羣言適黃初不競保粹有人何期嵩嶽崩頽遐想大儒形國瘁
非扶餘手妄占公病雖苦口抉疑問心無隱祇恨經方蛇蠍曷禁藥議起沉疴

胡鏊

來日大難試看宇宙羶腥大廈甯支郭有道
斯文將喪深恐詩書牆壁後車誰逐鄭康成

林獬

何以諫先生著述若林身後名留三不朽
誰復能有是麻衣如雪堦前哭父六少年

未執經受業於門墻恨吾生也晚
爲鄉黨國人所矜式何天不憖道

胡兆松

二十紀員與競戰方看文界翻新誰知哲學風微獨有南雷承墜緒
四千里挂管歸來私幸禮堂承教豈憶虞淵日薄愴聞隣笛咽悲音

韓震東

儒林澤普桑梓恩深憶昔年解網惠來仗無事綏安此德不知何日報
經史名馳華夷望重奈今夕騎箕遽去恨未親探問斯文已喪向天呼

狄一南

公眞自有千秋論經師人師著作等身疊見徵書隆下逮
天不憖道一老統學界商界口碑載道羣悲砥柱折中流

徐剛

師其孫敬軒耶洵乎是經史名家是訓詁名家是詞章金石名大家一姓兩哲儒
待後守先亙古長存國粹

世憶黃鮮公否傷哉爲社會忘私爲學界忘勞爲商部路權忘性命九原同悲憤
山頽木壞瓣香永祀鄉賢

李鄂

西冷泛棹黃浦停車記曾開會歡迎對臘雪梅花回首前塵如夢杳
兩地聞風同聲下淚莫問大招何處登吳山庾嶺追懷往事感情多

管震
項葆楨

一燈然百千燈冥者皆明明終不盡
後覺受無上覺狂性自歇歇即菩提

陳璜
鄭曦

黃鐘毀器瓦釜雷鳴後顧茫茫問孰是商學界中流砥柱
路事未平禮經待纂蒼天夢夢遽奪我泰東西世紀偉人

吳詒訓
王佑宸
吳善葆

鄭鄉伊邇夙仰康成道德有傳書北海箋疏推絕學

謝墅未營遽擢太傅蒼生空屬望東山絲竹盡哀音

舊冬籀廬先生年躋六十同人議就永嘉積穀山營建別墅為先生著書講學
之所未鳩工而先生遽歸道山感懷往事為之泫然

伍守彝

纔悲宗匠又哭經師最隣學務紛紜領袖付誰淒咽甌風搖海岳

有限天年無窮路政豈為生涯恐怖安危難卜離魂碧落問鄔湯

張組成

比部觀光儀曹典禮明刑弼教未竟厥施修短固有期天奪吾公胡太速
著書論道記校育材興學通商誰堪繼起江河方日下士生斯世更何言

楊鏡蓉

吾鄉不幸失兩偉人前黃提學後孫總纂

聖廬之中得此凶耗既痛慈母又哭先生

傅景說

送我九月前金石千言猶在耳

哭公三日泪東南半壁痛何依

客秋愷東行公辱臨遠送詳示宗國近狀並以力學報國語相勗今年歸將復
求教于公而公竟歸道山矣悲夫

虞廷愷

道高當代名滿寰區公果含歡歸淨土

國事如斯老成不愨吾將搔首問蒼天

同前

天不愨遺痛後來其奚賴

予非阿好於先生無貶詞

程雲

寰海仰宗師吾公之死原不朽

鄉閭失先達賤子所哭非為私

江堪

憶甌江奉書數百語久推自來第一流人物獨有先生想昊天不弔舉世同悲功德如公能有幾

慨蓬島留學二三年冀挽失去四千載文明還我祖國奈瀛海徒勞此志莫逮嗟跽似我復何言

戴佚

先生道學獨有千秋試問兩浙前途誰肩教育

海內儒林同聲一哭何況十年門下久荷裁庇

許藩

海上安有神仙藥

先生能為不朽人

張廣才

挾 著書壽世為國儲才何堪大事將完望眼忽驚喬木萎
極我一時痛君千古太息厚恩未報感情那禁淚痕多

張爾彥

扶翊永嘉宗派賤詞章末技貴經濟真才聚會精神都注到學界裏面與水心伯
濬思毅以軒諸公淵源共証其道弘其志篤其功著其名彰想望丰采者咸欲孕
虞毓夏甄殷陶周雖奮彼豐茲死復何恨
提握維新時局借全球問題從甌江起點主持教育有進化國民樞紐俾經史與
圖星算格致等科徑途獨闢或崑門或普及或速成或實驗拭目文明者且遍北
轍南轅東鱣西鯨遽勞形劇疾天胡不仁

唐鳳林

著書逾數十萬言起廢針育咸仰高山斗重

見愛近廿四五載感恩知己每懷往事淚洩多

百十八

彭翼堯

數百卷撰述作周繼功臣豈徒政要一書真與校邠廬待訪錄諸篇並傳不朽
六十歲耆儒是永嘉嫡派爲問鄉賢誰似應增沈彬老薛良齋之列合祀先生

吳來富

歐化輸入舉國狂斯文將喪禮教浸衰讀先生所著書知新學悉根舊學
籀公老去微言絕宮徵變聲淫哇聒耳爲末流時俗慟問後人孰是替人

王夢藻

頤園任教四載因依自憐逐水浮萍總覺托根殊淺薄

廣廈萬間一朝傾圮此後幕巢舊燕更從何處覓枝棲

王黼宸

姬禮永全絲手澤猶存緬懷北學淵源震旦大儒不世出

嘉禾蒙荆棘含沙雖毒感動南宋氣節陳東正議與公爭

金玉堂

公治漢代學方交推祭酒師承即茲馬帳雲霾白卷傳書長萬古

蒙自燕京歸正擬詢司農杖履詎料鄭鄉星黯二年揖別竟千秋

薛同

葉陳絕學七百年公是傳人况當校舍宏開鑿乃翁獨具熱誠培後進

馬鄭通材一萬卷書堪不朽誰料梁木其壞無知小子那禁彈淚哭先生

薛勒

中西宗匠陶鎔歐亞一鑿鑪傷心化鶴飛昇片羽流傳海內珍藏方拱璧

東南入儒孕育鴻蒙新世界撒手騎鯨歸去瓣香崇拜士林痛哭壞長城

孫衡

爲甌括學界臺路籃縷以啟山林那堪締造方新風雨飄搖成大劫

藉孔李通家斗酒隻雞來相沃酌太息河梁少別海天蒼莽入悲秋

王銳

百十九

生平著述在周禮墨子諸書即茲家學淵源似我庸才末獲門牆鏡美富
壽世聲名與叔度梨洲相映莫問熙朝物望吾甌不幸那堪山斗又傾頽

項駿

五經駁義六藝成編大雅有傳人發墨鉞育媿高密

國粹將亡微言幾絕狂瀾誰可挽起衰濟溺失昌黎

林鑄

古文復漆簡五篇鉅識羣推劉子駿

弔客集素車千乘高風不讓郭林宗

周砥

傍謝客之巖倚飛霞之洞相營別墅籍憇綦巾紀念幸有門下士

為兩郡總理作一代名儒盡瘁鞠躬竟殉學務主持誰繼老先生

李兆藻 周崧
金聯聲 吳恕

大儒經術今無匹

合學悲歌死亦榮

廖振亞 蔣燮
李炳然 程筠

梅溪詳說季和翼疏周禮有傳人句櫛字梳數十卷經三易稿

南雷乍亡敬軒踵逝梓鄉無幸福山頽木壞纔六月失兩先生

胡錦燾 林敏 王銘
余思勉 陳復 張奎

君舉甫逝水心嗣亡後學失皈依雅量淵懷萬頃澄波黃叔度
著作等身聲名壽世先生真不朽石渠金馬千秋經術鄭康成

林辰 金銑 胡宸龍
張茵 郭威 胡文翼

自西自東自南自北無思不服

母意母必母固母我其如有容

許開 吳樾
周楫 黃獎

賤子瀛海外猶歲時承問不絕自憾金裘同盡依然彈缺向秋風

百二十四

黃驥

絕學啟津途仰郭泰經師深恨南洲識面晚
微才承獎借譚禰生薦表愴懷北海泪痕多

金玉穉

一部周官天下治亂安危所繫惜玉韞珠埋未獲廊廟增輝內外臣工誰賞識
兩郡學務先生提倡功力居多痛山頽木壞詎獨括甌減色東西浙水亦含悲

周烈

著述該漢宋數千年詰周禮箋墨經予小子莫名奧妙
遺愛遍甌括十六屬創學務立師範非先生孰任艱危

胡烈

精研漢學卓哉鄉大師幸四千年道統重昌豈止桑榆沾化雨
忝附華宗况爲門弟子痛百廿日追隨未久遽從壇席泣春風

譽望滿家邦泰斗同瞻胡遽超塵悲化去

吹噓遠姻婭風雲變色那堪聞訃哭公來

陳有貴

名噪北京宦官景仰

聲沉南極鄉里啣哀

金玉麒

謀新舍舊領袖偏殷方謂學務商場社會文明憑起點
理財用人經綸具見所惜吾儕末業居停晤對失瞻依

朱茂生

謝國華
翁德懋
張殿榮

童國明

六十載志氣非凡注周禮要言學業已成千古事
四旬日沉疴不起繼黃公永訣吾甌又失一偉人

葉正芳

陳丹墀

林嘉榮

蘇錫壽

王誥卿

林鴻翔

呂廣源

王盛藻

鏤影搗辭慙刻畫

高文大冊枉摩挲

戴國琛

利者使阜害者使亡到於今受賜良多天何奪吾公之速
其平如衡其直如矢問此後替人孰是我將顧商界而悲

林慶鏞

秦岱忽傾瀝處兩州齊痛哭

士民失庇學商兩界盡悲哀

陳成玉

與先君同歲遊庠何期碩果不存峻望靈光摧魯殿
爲小子著書弁首詎料災梨遭劫高文千忌付秦燔

拙著通書蒙

公辱贈序言寵獎備至板存郡肆客歲遭火檢點遺墨慙感無

既

戴詠繩

才澈古今聲溢歐亞六旬成偉業竟令人附驥爭趨豈知甌海歸程遽以大道殉
身方路權定師範興此日誰承商學務
情關伯仲義切師徒四診居旁參空使我燃犀灼照自恨峴谿泯迹忍爲先生屬
續歎斯文喪醫術壞僻鄉須究岐黃書

族弟詒慎

彤管學多慚紙貴洛陽虛願續成先漢史
素秋別如昨跡淹岱北前塵悵絕大雷書

歸廣平郡從妹思訓

興教育勞彤神竟成腦病滿六十日呻呶牀褥辭意難宣嗟藥石無靈雁行遽斷
兄今何往拋撇家政國聞豈獨吾宗遭厄運
通漢宋涉老佛兼研歐學自二七齡考注蟲魚著述罔倦看朱墨猶新音容已杳
弟也不才檢點殘篇牘稿最期諸姪守遺書

從弟詒澤

國粹善發歐化亦深悲真識難求精詰竟誰知恐當獨有茶香室
以分則兄以學則師痛哲人忽逝寒燈憶相對何忍更登玉海樓

同前

儒墨述不作數百卷浩浩文成感海表求書鄭孟之間見鉅子

江淮歸去來四十載鬱鬱老死問區中知己戴俞以外更何人

從弟亮節
遺

著述入儒林公其不朽惜哉玉海樓空高密遺書誰可讀

家庭承禮教姪也未能痛煞竺林會散長安寄宦更何依

姪延畛

墨以勤身禮以敬教六十年樂道自榮惜小子無知式谷未能循馬誠

名光於史效著於儒千百世傳人有俟但予家不造紹徽長此泣咸琴

同前

孫繼勛

鄭鄉絕學倘重興論著述千秋經生不死

甌海文明自公倡况凋零二仲吾黨何依

余宗達

曾許趨庭陪鯉對

何堪揮淚泣麟窮

李系林

論學擬前賢太僕文章雅近葉水心至先生經術湛深直駕君舉季宣而上為緬

頤園跡古猶膺名高史乘有光輝喬梓別開永嘉派

殷懷接後進江夏風裁不減李元禮獨我公人倫宏獎自在符融郭太之班所嗟

使節方擢少微又隕鄉邦失耆碩巷衢怕聽泰山歌

胡榮銓 馬毓騏
韓邦錄 陳演年

學界泰斗孰當之惟先生愛切紛榆樂育英才追福澤

海內經師今已矣恨小子同生桑梓未從函丈拜康成

百二十六

盧棟 曾 鄭 謝 吳 郭
會 銳 謝 璧 超 吳 保 達 鍾 維
謝 希 祖 中 余 恆 煦 贊 中

扶風講學高密譚經岐海有太師獨抱遺篇開後起

福澤熱心培根理想昊天摧一老不堪泪眼哭先生

蔡朝綬 鵬

早歲治羣經功尤在周官八十卷

晚年持浙學澤尚留甌括廿六鄉

陳熙

泰岳何遽其頽怨小子陶鑄未成今將安仰

甌括漸臻開化徵先生育材普及吾誰與歸

蔡鵬

望隆泰斗學貫中西宇內一通人憶去年化雨親沾筆采依然此別如何成終古

甌海蒼茫浙潮嗚咽吾鄉多變故愴殘腦文星剛殞昊天不弔今朝又復哭先生

吳樹箕

先生大道小子莫能名劇憐舉國師儒如喪考妣

教育前途兩浙悲絕望何況滿城桃李親炙門墻

金慕曾 袁佑任

治宗周禮學法漢家四海水爭飛獨向迷津資寶筏

經術我師行誼吾友九原人不作誰為大道作干城

愚弟章楷

玉海樓高如何魯靈光巋然萬古

永嘉學術殆同廣陵散卓織千秋

方非蓉

感懷教育非私誼

放眼乾坤少替人

百二十七

林文甲 吳錫鏘 李慕膺 王耀宗
黃世名 郁昌朋 方廷佑 葉毓東
陳普仁

為社會開通智識為學界輸進文明教育大改良豈惟著作等身曠代經師推高密

有兩州人士傷心有八百孤寒下淚後生失矜式從此門牆回首更誰授業繼河汾

張強 王東明 朱贊宣

士先器識而後文藝原興學之初在國家若何期許豈知波靡成風率藉勢憑權黨同伐異終日營營欺世盜名唯利視

死僅一身竟係全浙自陽明以來論經術幾見儔匹孰料天奪道老使越山減色甌海含悲予懷渺渺買絲繡像事生存

女後學鄭素

藥帝非時元誠遽逝家聲寧獨墜從茲鄉吏誰咨學人安仰

智尼斯志孟德嘗譏勗句豈敢忘最懼偉功重建古國難新

伯父雅嘉衡志去歲四月嘗撰一聯賜勗云努力拓開新世界抗心希慕古賢
豪相期至切自愧未能今墨瀋未乾音容已寂每誦斯語淚下潸然哀我伯父
亦所以自哀也 曹孟德嘗謂袁本初志大智小衡頗近是良用自懼故云

從姪衡

懷抱孔丘高浙學甌團未了雄心心已死
頭顱錢玷老禮箋墨語欲參疑義義誰傳

從姪冲

幼失怙壯失恃茲又失所依悲矣乎誰度迷途苦厄
大經濟大教育猶有大著述今而後永垂萬禩千秋

從姪延第

二十一	二十一	十七	十四	十四	十二	十	九	七	六	六	五	五
十二	七	十二	九	九	二	十三	四	五	十一	六	十一	三
賑	饗尙	聘	弱上衍鋤字	國下衍握字	年下落來字	休	婢	思悲	壞	括帖	古	休

五	三	三	一
三	十三	十二	十
薛	川	僮	殆

三賑	尙饗	聘	休	裨	悲思	壞	帖括	話	咻
----	----	---	---	---	----	---	----	---	---

二
補大戴禮記斟補尙書
駢枝六祿甄散黎文舉
例温州經籍志學務本
議枝議九旗古義述廣
韻姓氏刊誤周禮三家
佚注校輯宋鄭緝之永
嘉郡記校輯永嘉叢書
校跋太僕公甌海軼聞
校補
始童州薛

四十七 十一
 四十八 四
 四十八 七
 四十九 五
 四十九 十
 五十 二
 五十 五
 五十七 六
 五十七 八
 六十 十二
 六十 一
 六十四 五
 六十五 五

言下行一圖
 總
 總
 星下落小字
 星下落小字
 星下落小字
 星下落小字
 頤
 鄒上衍海甯二字
 贊
 病
 宸
 庸

康 辰 痛 贊 頤 總 總 老

六十七 二
 六十七 三
 六十八 十二
 六十九 七
 六十九 十一
 六十九 十三
 七十 五
 七十 九
 七十 十
 七十 十一
 七十一 六
 七十一 十一
 七十二 二

蔡 紹 氏 之 俊 小 畫 羅 衍 宸
 蔡 紹 氏 之 俊 小 畫 羅 衍 宸
 蔡 紹 氏 之 君 下 俊 小 畫 羅 搜 衍 仲 容 世 兄 千 古 六 字 宸 下 衍 輓 字

蔡 詔 公 又 駿 少 陋 搜 羅 爐 爐 激 七

七十二
七十二
七十三
七十四
七十五
七十五
七十六
七十六
七十七
七十九
八十
八十

八
九
九
十二
一
九
四
十一
九
三十
三

廉
黑
延
學萃
隅
燻
推
聖
章詞
熒
疾
識
鄉下落里字

八
灑
墨
廷
孫萃
偶
燻
惟
者
詞章
萃
茨
議

八十一
八十一
八十一
八十一
八十五
八十五
八十二
八十一
八十一
八十一
九十一
九十一

五
八
一
四
八
九
七
十三
八
十一
十二
十二

張下落遲字
慎下落行字
舖下落英字
慶下落輝字
先下落生字
後下落起字
爐
洲
鹵
鏞
廬
古
妃

九
壚
州
西
鏞
廬
故
姬

百二十一

十一

百十四 三
 百十四 九
 百十四 十三
 百十六 九
 百十六 十一
 百十七 九
 百十七 十一
 百十八 七
 百十八 九
 百二十一 一
 百二十一 六
 百二十一 十一

善 麟 記 佚 庇 握 鱗 淚 聒 頃 末 燾 莖

十 莖 濤 末 頃 聒 涕 鱗 揭 成 俠 設 憐 葆 善

九十一 千三
 九十二 一
 九十五 二
 九十五 八九間
 九十五 十一
 百〇二 六
 百〇二 十二
 百〇二 十二
 百〇五 三
 百〇六 八
 百〇八 二
 百〇九 四
 百十三 六

衍 容 世 伯 千 古 六 字
 恕 下 衍 輓 字
 羸
 屠 上 落 女 後 學 三 字
 問 歐 斟 頤 十五
 蓮 物 洲 冷

十 羸 聞 甌 斟 頤 五 十 蓬 切 州 冷

日

百二十二	百二十七	百二十七	百二十七	百二十七	百二十六	百二十六	百二十五	百二十四	百二十四	百二十三	百二十三	百二十二
九	七	十二	十一	九	五	四	九	五	三	九	四	十六

煥 余 研 洲 穉 頤 余 太 章 織 非 兩 竺

章上衍愚弟二字

煥 徐 洲 穉 頤 金 大 絕 兆 二 竹

十二

溫州新